



ಕೊಡವ ಭಕ್ತಿ ಪಾಠ್



ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ,
ಮಡಿಕೇರಿ



ಕೊಡವ ಭಕ್ತಿ ಪಾಠ್



ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ,
ಮಡಿಕೇರಿ

"Kodava Bhakthi Paat" Published by the Karnataka
Kodava Sahithya Academy, Madikeri

ಆದ್ಯ ಮುದ್ರಣ : 2012

ಪ್ರತಿ : 500

© ಎಲ್ಲಾ ಹಕ್ಕುಗಳ ಕಾತ್ ಬೆಚ್ಚಿತ್.

ಕ್ರಯ : 45 ಉರ್‌ಪಿಯ

Price : Forty Five Rupees

ಪ್ರಕಟ ಪಡಾತ್‌ನವು :

ರಿಜಿಷ್ಟ್ರಾರ್

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ, ಮಡಿಕೇರಿ

ಮ್ಯಾನ್ಸ್ ಕಾಂಪೌಂಡ್, ಮಡಿಕೇರಿ - 571 201

ಫೋನ್ : 08272 - 229074

ಅಚ್ಚಾರ್ :

ಶಕ್ತಿ ಪ್ರಿಂಟರ್ಸ್, ಮಡಿಕೇರಿ

ಮುಂಬೆಳ್ಳಾ

ಕೊಡವ ಭಕ್ತಿ ಪರಂಪರೆಲ್ ಭಕ್ತಿ ಪಾಟ್ ತಾಂದದೇ ಆನ ಪರಂಪರೆ ಉಂಡ್. ನಡಿಕೇರಿಯಂಡ ಚಿಣ್ಣಪ್ಪ ಎಳಂದ್ ಭಗವಂತಂಡ ಪಾಟ್ ಪಿಂಞ ನಂಗಡ ಬಾಳೊಪಾಟ್ ಇದಂಗ್ ಸಾಕ್ಷಿ. ಭಕ್ತಿ ಮಾರ್ಗತ್ ಪೊನ್ನಂಪೇಟೆ ಶ್ರೀ ರಾಮಕೃಷ್ಣ ಶಾರದಾಶ್ರಮತ್ ಆದ್ಯ ಸ್ವಾಮಿ ಆಯಿತಿಂಜ ಶಾಂಭವಾನಂದ ಸ್ವಾಮಿಯೂ ಕೊಡವನೇ ಎಣ್ಣಪದ್ ನಂಗ ಜನಾಂಗ ಹೆಮ್ಮೆ ಪಡಂಡು.

ಇಂದ್ ನಂಗಡ ಏದೇ ಕಾರ್ಯಕ್ರಮತ್, ದೇವನೆಲೆಲ್ ಭಕ್ತಿ ಪಾಟ್ ಪಾಡ್ವಕ್ ಸಾಹಿತ್ಯ ಜೊಪ್ಪೆಯಾಯಿತ್ ಕೊಟ್ಟಡ್ ಎಣ್ಣವ ಕಾರಣಕ್ 'ಕೊಡವ ಸಂಗೀತ ನಮ್ಮೆ'ನ ಮೊಳಿಯಾಯಿತ್ ಬೆಚ್ಚಂಡ್ 'ಕೊಡವ ಭಕ್ತಿ ಪಾಟ್' ಜೊಪ್ಪೆನ ಸಂಗ್ರಹ ಮಾಡಿತ್ ನಿಂಗಡ ಮಿಂಞತ್ ಬೆಚ್ಚಂಡುಂಡ್. ಈ ಜೊಪ್ಪೆಲ್ ಅಪ್ಪಚ್ಚಕವಿ, ಹರದಾಸ ಮುಕ್ಯಾಟಿರ ಪೂವಯ್ಯ, ವಿ.ಎಸ್. ರಾಮಕೃಷ್ಣ, ಪೂರ್ಣಾನಂದ ಸ್ವಾಮಿ, ಚೆಕ್ಕೇರ ತ್ಯಾಗರಾಜ್, ಬೆಂಜಾಂದ ತಂಗಚ್ಚಿ ಕಾರ್ಯಪ್ಪ, ಮೊಣ್ಣಂಡ ಶೋಭಾ ಸುಬ್ಬಯ್ಯ, ನಾಗೇಶ್ ಕಾಲೂರ್, ಕಳ್ಳೇಂಗಡ ಸುಧಾಪ್ರಸಾದ್ ಇನ್ನತಯಿಂಡ ಭಕ್ತಿ ಪಾಟ್ ರಚನೆಯೂ ಉಂಡ್. ಅಲ್ಲತೆ ಅಕಾಡೆಮಿ ಈ ಪಾಟ್ನೆಲ್ಲಾ ರಾಗ ಕೂಟಿತ್ ಸಿ.ಡಿ. ರೂಪತೂ ಮಾಡಿತ್.

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ನಂಗಡ ಕೊಡವ ಭಕ್ತಿ ಸಂಗೀತಕ್ ಕಾಯಕಲ್ಪ ಕೊಡ್ಪಕ್ ನಂಗಡ ಭವಿಷ್ಯತ್ ಪೀಳಿಗಕ್ ಪುರಡ್ ಪುಟ್ಚಿಡ್ವಕ್ ಈ ಪ್ರಯತ್ನ ಮಾಡಿತ್. ಈ ಭಕ್ತಿಪಾಟ್ನ ಎಳಂದ್ ಎಲ್ಲಾ ಪೆರಿಯಯಿಂಗಕ್ ನಂಗಡ ಕೃತಜ್ಞತೆ. ಈ ಚೆರಿಯ ಪುಸ್ತಕ ಪ್ರತಿಯೋರ್ ಮನೆಲ್ ಇರಂಡು. ಸಹಕರಿಚಿಟ್ಟಿ ಎಲ್ಲಾರ್ಕೂ ಎದೆದುಂಬ್ನ ವಂದನೆ.

ಅಡ್ಡಂಡ ಸಿ. ಕಾರ್ಯಪ್ಪ

ಮಡಿಕೇರಿ

ಅಧ್ಯಕ್ಷ

6-10-2012

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ

ಒಳ್ಳೆ ಪಾಳೆಲ್

- | | |
|----------------------------|-----------------------------|
| 1) ಅಂಬಿಕೆ ಸುಗಮಾಡ್ | 29) ಶಿವಶಂಭೂಶಂಕರಾ |
| 2) ಬಂದಿಯ ಕಾವೇರಿ | 30) ಮೆಚ್ಚ್ಚನಬಾಳೆಲ್ |
| 3) ಕಾಪಾಡ್ ಶ್ರೀ ಕೃಷ್ಣನೇ | 31) ಮಾಧವದೇವನೆ |
| 4) ನರನಾಥ ಕಾಪಾಡ್ | 33) ಎಂಗಂಡಕುಲದೇವ |
| 5) ಕಾಲಾಂತಕ ಜಗದೀಶ | 34) ತಾರೊಶಿವಂಡಮೋವನೆ |
| 6) ನಾಕೆನ್ನಿದ್ ಗುಣ | 35) ಪಾರ್ವತಿದೇವಿ |
| 7) ತ್ರಿಗುಣಯೆ ಬಾಳೆ | 36) ಗುಣತಯೀಶ್ವರ |
| 8) ತಾರೊ ಶಂಕರ | 37) ಬಾರಿಕೊಯ್ಯನಪೂ |
| 9) ಆದಿಕಾವೇರೈಮ್ಮೆ | 38) ಮೇನಕಿಮೋಳೆ |
| 10) ಪಾಮರ ಅಶ್ವತ್ಥ ದೇವ | 39) ಬಂಗಲೋನೀತಾರತೆ |
| 11) ತುದಿಪಿನೊ ದೇವ ನಾ ನಿನ್ನ | 40) ತಾರೊಗುಣಕೃಷ್ಣ |
| 12) ಶಂಭುವೆ ನಿನ್ನ | 41) ತೇಡಿ ಬುದ್ದೆ |
| 13) ಕಾವೇರೈಮ್ಮೆ ದೇವಿತಾಯಿ | 42) ಗಣಪತಿ ಸ್ವಾಮಿಯೆ |
| 14) ಮೂಲ ಕಾವೇರಿ ಸ್ಮೋತ್ರ | 43) ವಿಘ್ನರಾಜ |
| 15) ಮಂಗಳಾ ನೀತಾರೊ | 44) ಸರಸ್ವತಿದೇವಿತಾಯಿ |
| 16) ಶೂರಬ್ರಹ್ಮಂಡರಾಣಿವಾಣೀ | 45) ಕುಲದೇವಿ ಕಾವೇರಿ |
| 17) ನೆನಪಿಮಿಳ್ಳಾಲೆ ವಿಘ್ನೇಶಾ | 46) ಗಣಕೆಲ್ಲ ಅಧಿಪತಿ |
| 18) ಗಣಪತಿಡಪ್ಪನೆ | 47) ಆದಿ ಕಾವೇರಿ ತಾಯಿಯೇ |
| 19) ನಾರಾಯಣ ಹರಿನಾರಾಯಣ | 48) ಸಂಕ್ರಮಣತಂದ್ |
| 20) ದೇವಂಗೊತ್ತಪಾರ್ವತಿಯೆ | 49) ಏಳ್ ಕಾವೇರಿ ಲೋಪಾಮುದ್ರೆಯೆ |
| 21) ಶಿವಂಡಮೋವನೆ ಶಣ್ಮುಖನೆ | 50) ಶಿವನಾಮ ಪಾಡನ |
| 22) ನಾರಾಯಣದೇವದೇವ | 51) ದೇವಿ ಅಂಬಿಕೆಯೇ ಕಾಪಾಡ್ |
| 23) ಗಂಗೇರ ಮೋವ ಸುಬ್ರಹ್ಮಣ್ಯ | 52) ನಿಂದ್ ತುದಿಪಿನೊ ನಿನ್ನಾ |
| 24) ದೇವದೇವಿಯೊಬಾಳೆ | 53) ತೀರ್ಥ ಮೂಲ ಸ್ವರೂಪಿಣ್ಯೇ |
| 25) ಸ್ವಾಮಿಯೇಳ್ | 54) ಪಾಂಡುರಂಗ ಕೃಷ್ಣನ ತುದಿಕನ |
| 26) ಗಿರಿಜಿತಾಯಿ ಕಾಪಾಡ್ | 55) ನಾನೆಂದೂ ದೀನನಲ್ಲಾ |
| 27) ತಾ ನಾಕ್ ತಾಗುಣವೊಶಂಕರ | 56) ಮಂಗಳತಾರೋ |
| 28) ತಾಗುಣಶಂಕರ | |

ಕೊಡವ ಭಕ್ತಿ ವಾಚ್

ಅಂಬಿಕೆ ಸುಗಮಾಡ್

ಅಂಬಿಕೆ ಸುಗಮಾಡ್ ಯೀ ಜಗಕ್ | ಅಂಬಾಮಹಜಗ ||ಪ||
ಬಂಬರಕ್ಕಸದಂಡ್‌ಯಿಂಜನೀ | ಶುಂಭಶುಂಭ ಸಂಹಾರಿ ಗೌರಿಯೇ ||ಅ|ಪ||
ಚಂಡಮುಂಡ ದೈತ್ಯನಾಶಿನಿ | ಚಂಡಿಕೆದೇವಿ ||
ದಂಡಲ್ ಮಧುಕೈಟಬರಕೇಳ್ | ಕಂಡ್‌ಕೊಂದ ಚಾಮುಂಡಿದುರ್ಗಿ ||೧||
ಶಕ್ತಿ ನೀ ಕಾಮಾಕ್ಷಿನಿ ಮೀನಾಕ್ಷಿ|| ಭಗವತಿನೀ||
ರಕ್ತ ಬೀಜಾಸುರನ ನಾಶಿನಿ| ಮುಕ್ತಿ ಕೊಡ್‌ಪೊರ್ ಮಹಿಶಮರ್ಧಿನಿ ||೨||
ತಾರಿಣಿಮಣಿ ದ್ವೀಪಾವಾಸಿನಿ| ಮಾಹಿಮಹಕಾಳಿ||
ಹರದಾಸ ತುದಿಪಯೋಗೇಶ್ವರಿ| ಭೈರವಿ ಭುವನೇಶ್ವರಿ ಶಿವೆ ||೩||

* * * * *

ಬಂದಿಯ ಕಾವೇರಿ

ಬಂದಿಯ ಕಾವೇರಿ ಮಾದೇವಿ| ಡೊಂದಾಯಿ ಕನಕೆಯು ||ಪ||
ನಂದ್ ಜಗಕ್ ಮಾಡಿ ಪೊರಟ್ | ಬಂದೆನ್ನ ನೀಡಿಂದ್ ಸೇರಿಯ ||ಅ|ಪ||
ದೇಶತ್ ಮಾ ಪ್ರಾಣಿಯಡ| ದೋಷನಾಶಕ್||
ಈಶಯೇ ನೀ ಭಾಷೆಕೊತ್ತಿತ್| ಸಾಸಪಟ್ಟಿಯ ಡಾಶತ್‌ತಿಯ ||೧||
ಕೇಳಿನ್‌ಡರಿಂಜಿ ನಾನ್ | ಕೇಳ್ ಕಾತೆನೊ||
ಕಾಲನೇರಕೊತ್ ಬಂದಿಯ| ಶೀಲತ್ ನೀ ಮೂಲತ್ ದೇವಿ ||೨||
ಪತ್ತು ಎಟ್ಕೊಟಿ ತೀರ್ಥ| ಸೊತ್ತಯೇಡದ್||
ಸತ್ಯತ್ ನೀ ಬಾಳ್ ಇಲ್ಲಿ| ಉತ್ತಮಳೆ ಪುತ್ತಳಿಯೆ ನೀ ||೩||

* * * * *

ಕೊಡವ ಭಕ್ತಿ ಪಾಠ್

ಕಾಪಾಡ್ ಶ್ರೀ ಕೃಷ್ಣನೇ

ಕಾಪಾಡ್ ಶ್ರೀ ಕೃಷ್ಣನೇ|| ಮಹದೇವನೇ|| ಗೋಪಾಲ ಗೋವಿಂದನೇ ||ಪ||
ತಾಪಸಕು ಮಹಯೋಗಿಯಾನೊರ್| ಶ್ರೀಪತಿಯೆ ನಿನ್ನೆಂದು ಬೋಡುವಿ |
ಪಾಪಡೆನ್ನಡ ನಾಶ ಮಾಡಿತ್| ಜ್ಞಾಪಕಕ್ ಮನತಾರೊ ನಿನ್ನಡ ||ಅ||ಪ||
ನಾರಾಯಣನಿಲ್ಲತನೇ|| ಮಹದೇವನೇ|| ನಾರದ ಅವತಾರಿನೇ||
ವರಹಮತ್ಸ್ಯ ಋಷಭರಾಯನೇ| ಕೂರ್ಮವಾಮನ ಕಪಿಲ ವ್ಯಾಸನೇ|
ಪರಶುರಾಮನೇ ಮೋಹಿನಿಯೆ| ನರಸಿಂಹನೇ ರಘುರಾಮ ಮೂರ್ತಿಯೆ ||೧||
ಮುರಾಸುರ ನಾಶಕಿನೇ|| ಮಹದೇವನೇ|| ದ್ವಾರಕಮಾಪತಿನೇ||
ಧರ್ಮರಾಯಂಡ ಗುಣಕ್ ಮೆಚ್ಚಿತ್| ಕರ್ಮಕೌರವರಲ್ಲರಡಕಿತ್|
ಕ್ರೂರ ಕಂಸಾಸುರನ ಕೊಂದೊರ್| ಮಾರಂಡಪ್ಪನೆ ವಾಸುದೇವನೇ ||೨||
ನೀರಗ್ನಿ ಕಾಶೂ ನೀನೇ || ಮಹದೇವನೇ || ನೇರನೆಲಚಿಯು ನೀನೇ||
ಆರ್ ಶಾಸ್ತ್ರ ಪುರಾಣವೇದಕು| ಭಾರತಕು ಮೊಳಿಯಾಯಿದುಪ್ಪರ|
ಸೂರೆಮಾಡ್‌ನ ಮಾಧವನೇ| ಹರದಾಸನೆಂದು ಪೊಲತ್ ಕೇಶವ ||೩||

* * * * *

ನರನಾಥ ಕಾಪಾಡ್

ನರನಾಥ ಕಾಪಾಡ್ ಸ್ವಾಮಿ ||ಪ||
ಮರರೂಪಲುಳ್ಳ ನಾರಾಯಣ ಪ್ರೇಮಿ ||ಅ||ಪ||
ನಲ್ಲಯೀ ಸಹ್ಯಾದ್ರಿ ಕುಂದ್ ಬರಿಲ್|
ನೆಲ್ಲಿ ಆಲಾಯಿತ್ ಉದಿಚೀಯ ನಡುಲ್ ||೧||
ಮಾಧವ ನಿನ್ನಡ ಮಾಯಾವತಾರ|
ವೇದವೋ ನಾಲಾತು ಹೊಗಳುವ ಶೂರ||೨||
ನಾಲ್‌ಬಾಯಿಲ್ ಏಡನಲ್ಲಾಮೆನೆನತ್|
ಕೇಳ್‌ಲೋ ಬೋಡುವಿ ದಯತೋಮನತ್ ||೩||

* * * * *

ಕೊಡವ ಭಕ್ತಿ ವಾಚ್

ಕಾಲಾಂತಕ ಜಗಧೀಶ

ಪರಮೇಶ ಪರಮೇಶ ಕಾಲಾಂತಕ ಜಗಧೀಶಚಾಕ್ ||೨||ಪ||
ಕಾಮಸಂಹಾರಿ ಲೋಕೋಪಕಾರಿ ಪಾಪಿಯಕೆಂದು ನಿಕೂರಿ||
ಸ್ವಾಮಿ ನೋಟ್ ನೀ ಮಾಯವತಾರಿ ಮೆಚ್ಚುವ ನಿನ್ನಲ ಗೌರಿ ||೧||
ಶಶಿಧರ ನೀನೆ ತ್ರಿಶೂಲಿಯೊ ನೀನೆ ನೀಲಕಂಠ ಕೇಳ್ ನೀನೆ ||
ದಶ ಅವತಾರಕುಡಾದಿಯು ನೀನೆ ಎಲ್ಲ ಜೀವವು ನೀನೆ ||೨||
ಬೀಜುವ ಕಾತ್‌ಕತ್ತುವ ತಿತ್ತ ಕಡವೂ ಅದೊಲ್ ನಿಮುತ್ತ||
ಈ ಜಗ ನಿನ್ನಡ ಮಾಯತ್ ಬಿತ್ತ ಹರದಾಸಕ್ ನೀ ಸೊತ್ತ ||೩||

* * * * *

ನಾಕೆನ್ನಿದ್ ಗುಣ

ಹರ ನೀ ನಾಕೆನ್ನಿದ್ ಗುಣ | ತರತಿಪ್ಪೂರ್ ಗುರ್ತ್ ||ಪ||
ಇರ್‌ಪಗ ನಿನ್ನ ನಾ ಬೋಡಿನೊ| ಮರೆವಿಯ ನೀ ಛಲತ್ ||೨||ಪ||
ಕಡೆಕೊತ್ತ ನರಡಾಶೆಕೇಳ್| ನಾ ಬೋಡಿನೊ| ಮರೆವಿಯ ನೀ ಛಲತ್ ||೨||ಪ||
ಕಡೆಕೊತ್ತ ನರಡಾಶೆಕೇಳ್| ಅಡನೀಕ್‌ಲೊನೇರೆ||
ಬಡತನರಿಂಚಿತ್ ಚಾಕತೆ| ಚೆಡಿಂಜಿನೊ ಗತಿದಾರ್ ||೧||
ಅದಿಯಾನ ಮಹದೇವ ನೀನ್| ಚದಿ ಮಾಡತೆ ನೋಟ್||
ತುದಿಪರದಾಸಂಡ ಸುಗಕ್| ಕೊದಿಚಿತ್ ಗುಣಕಾಟ್ ||೨||

* * * * *

ತ್ರಿಗುಣಿಯೆ ಬಾಳ್

ಸಾಧು ಸಾಧು ತ್ರಿಗುಣಿಯೆ ಬಾಳ್ ||ಪ||
ಮಾಧವ ದಯನಾಕ್ ಉಳ್ಳದ್ ಕೇಳ್ ||ಅ||ಪ||
ಕೊಡ್ತ ಜನಡ ಪಾಪ| ಪುಡಿಕ್ ಗಂಗೆಯೊ ಸತ್ಯ||
ಬುಡುವಕ್ ಕಳೆವಕ್ ಪಡಂದ್ಲೆ ಯೋಗ ||೧||
ಮಾಡ್ತನ ಪಾಪಕ್ ಬೋಡುವಡಾಶೆಕ್||
ಯೇಡ ತೋರ್ತದಯ| ನೋಡೆಲ್ಲಾ ಕುಂಡ್ ||೨||
ದೇವಬೀದಿ ಕೊತ್ತ| ದೇವಿಜಾಹ್ನವಿ ಬಂದ್||
ಕಾವೇರಿ ತೋರ್ತಾ ಅವಕುಳಿಪ ನೇರೆ ||೩||

* * * * *

ತಾರೊ ಶಂಕರ

ತಾರೊ ಶಂಕರ ನಾಕ್ ಗುಣವೊ ||ಪ||
ಇರ್ಪಗನ ಬೋಡುವಿನೊ ||ಅ||ಪ||
ವೇದತೆಲ್ಲಕ್ ತಾತ| ಸಾಧುಸಜ್ಜನ ಪ್ರೀತ ||
ಕ್ರೋಧಜನಕ್ ಭೂತ | ಮಾಧವಂಗು ನೀನಾಥ ||೧||
ಮೂಂದ್ ಲೋಕವು ನೀನೆ | ಮೂಂದ್ ಗುಣವು ನೀನೆ ||
ಮೂಂದ್ ಮೂರ್ತಿಯೊ ನೀನೆ | ಮೂಂದಾಳುಕೊಬ್ಬ ನೀನೆ ||೨||
ಕಾತ್ ರೂಪೊಲೊ ನೀನ್| ಭೂತನಾಥನೊ ನೀನ್||
ಧಾತಜಗಕ್ ನೀನ್| ಡೇತರಕ್ ನಾಥನೀನ್ ||೩||
ವರವೊ ಕೊಡ್ಪ ದೇವ| ಮರಣ ಬಿದಿಪಭವ||
ಸುರಾ ಸುರಕದಿಯಾನ ಹರದಾಸ ತುದಿಪ ಶಿವ ||೪||

* * * * *

ಕೊಡವ ಭಕ್ತಿ ಪಾಠ್

ಆದಿಕಾವೇರೈಮೈ

ಆದಿಕಾವೇರೈಮೈ ದೇವಿಡ | ಪಾದಕೆಕ್ಕಲು ಮಂಗಳಂ ||ಪ||
ಮಾಧವಂಗು ಪರಮೇಶ ದೇವಂಗು ವೇದ ಮೂರ್ತಿಕು ಮಂಗಳಂ ||ಅ||ಪ||
ಮೂಂದ್ ಮೂರ್ತಿಯ ಮೆಚ್ಚಿಬಾವಳ | ಮೂಂದ್ ದೇವೈಕ್ ಮಂಗಳಂ||
ಎಂದು ಗುಣತ್‌ಲೊಕುಂದ್‌ಲುದಿಚೊರ್ | ಕುಂದ್ ದೇವಿಕ್ ಮಂಗಳಂ||೧||
ತಾಪಸಂಡ ಮನಸಾಸೆತ್‌ಪೊರ್ | ಲೋಪಾಮುದ್ರೈಕ್ ಮಂಗಳಂ ||
ಪಾಪ ನಾಶಿನಿಯಾಯಿ ಜಗತ್‌ಲ್ | ಪೋಪದೇವಿಕ್ ಮಂಗಳಂ ||೨||
ಗಂಗೆಯಮುನೆ ತುಂಗಳದ್ರೆಡ ಪೊಂಗುರಿಕ್ ಮಹ ಮಂಗಳಂ||
ಬಾಂಗಿತ್ ಹರದಾಸ ತುದಿಪೊರ್ | ಗಂಗೆಡವ್ವಂಗ್ ಮಂಗಳಂ ||೩||

* * * * *

ಪಾಮರ ಅಶ್ವತ್ಥ ದೇವ

ಪಾಮರ ಅಶ್ವತ್ಥ ದೇವ | ಈ ಮರಕೊಡಿ ಶಂಕರ||
ನಡುವೊ ಕೃಷ್ಣನೋಡೆಂದೂ|| ಅಡಿಯೋ ಬ್ರಹ್ಮನೆ ಸರಿ ||೧||
ಏಳ್‌ಲೊಸುತ್ತ್ ನಾ ಬಪ್ಪಿ| ಕಳೆಯಿರೋ ದೋಷಲೋ ಸದಾ|| *
ಬೋಡುವಿ ಅಡ್ಡನಾಬುದ್ | ಮಾಡ್ ನೀ ದೇವನೇ ಗುಣ ||೨||
ಅನುವು-ನಲ್ಲವ ಮಲ್ಲಿಗೆಡೆಂದು| ಕಳ್ಳಿಯಕೊಳ್ಳಿಕ್ ಸಮ||
ಕಳ್ಳನು ಕುಳ್ಳನುಡೆಂದು| ಕೊಲ್ಲುವ ಪಿಲ್ಲಂಗ್ ಸಮ ||೧||
ದೊರೆಯು ಸಿರಿಯು ಒಂದೆ| ಹರನು ಗುರುವು ಸಮ||
ಹರಂಡಾಶೆ ಗುರುಡಾಶೆ| ಮರಂದ್ ಲೇಂಗಿ ಪರ ಗತಿ ||೨||

* * * * *

ತುದಿಪಿನೊ ದೇವ ನಾ ನಿನ್ನ

ತುದಿಪಿನೊ ದೇವ ನಾ ನಿನ್ನ | ಶಿವನೇ ||ಪ||
ಬಿದಿಗುಣ ಮನ ಅದಿಯಾಯಿತ್ ||ಅ||ಪ||
ಅಂಜಿಮೊಗಕಾರ| ನಂಜ್ ನಲಿಂಜಂವ||
ಪಂಜರತುಳ್ಳನ| ಡಂಜಿತ್ ಬೋಡುವಿ ||೧||
ಚೋಮಂಡ ಬೆನ್ನಲ್ | ನೇಮತಳಪಳ||
ಸ್ವಾಮಿಯೆ ನೀ ಗುಣ| ತಾ ಮನಸಾಯಿತ್ ||೨||
ಕೇಶವಂಗಂದು| ದೋಷಲೊ ಮಾಡತ||
ಈಶನೆ ನಾಕ್ ನೀ| ಡಾರೆಯೊಗೊಂಡಿತ್||೩||
ನಂಬ್ನ ಭಕ್ತಡ| ಬೆಂಬಲನಿಪ್ಪಳ||
ಕಂಬು ಗಿರೀವನಿ| ಶಂಬುವೆ ನಾಕ್ ನಿ ||೪||
ನಾಗಜಡೆ ಬೆಚ್ಚಿ| ಯೋಗತಳಪಂಜಿ||
ಬಾಗಿಯ ತಪ್ಪಳ| ಭಾಗಂಡವಾಸ||೫||

* * * * *

ಶಂಭುವೆ ನಿನ್ನ

ಶಂಭುವೆ ನಿನ್ನ | ನಂಬ್ನೆ ನಾನ್ ||ಪ||
ಅಂಬಿಕೇಶಚಿ || ದಂಬರೇಶನೆ| ಬಂಬ ಪರಶಿವನೆ ||ಅ||ಪ||
ನಿಂದ್ ಬೋಡುವಿ ನಾ | ಎಂದು ಯೆನ್ನಡಲೊ||
ಬಂದನೆಲ್ಲ ತೇತ್‌ಚಾಕ್| ಇಂದು ಶೇಖರನೆ ||೧||
ಭೂಲೋಕತ್ ನಾನ್| ಬಾಳುವಳ ಕಾಲ||
ನಾಲ್ ದಿಕ್ಕಲು ಕೇಳಿ ನೀತಾ| ಶೂಲ ಧರ ನೀನ್ ||೨||
ರಾಗರಸ ತಾರೊ| ಜೋಗುಗುಣ ತಾರೊ||
ಭಾಗಿಯ ತಾ ನಾಗಭೂಷಣ ಭಾಗಂಡೇಶ್ವರನೆ ||೩||

* * * * *

ಕಾವೇರ್ಮೈ ದೇವಿತಾಯಿ

ಕಾವೇರ್ಮೈ ದೇವಿತಾಯಿ ಕಾಪಾಡಂಗಳ ||ಪ||
ಬಾವಬಟ್ಟೆ ಕೇಟಿಚಾಕ್ ದೇವಿ ತಾಯಿಯೆ ||ಅ||ಪ||
ದತ್ತ ಮೋವಳಾಯಿತ್ ನೀ ಬ್ರಹ್ಮ ದೇವಂಗ್ |
ಗೊತ್ತಿಲ್ಲತಗಸ್ತು ಇಮುಷಿನ ಬುಟ್ಟು ಪೊರಟಿತೊ ||೧||
ಭಾಗಮಂಡ್ಲ ಸಂಗಮತ್ ಕನಕೆಯೊ ಕೂಡ |
ಭಾಗ್ಯಕಂಡ ಬಲಂಬೆರಿಕ್ ಬೆರಿಯ ನೀ ಬಂದ್ ||೨||
ಪೊಮ್ಮಾಲೆ ಕೊಡವರೆಲ್ಲ ಕಂಡ ತಾಯಿ ನೀ |
ಅಮ್ಮಂಗಕೂ ಕೊಡವಕೆಲ್ಲಾ ಭಾಷೆ ನೀಲೆಣ್ಣೆ ||೩||
ಆಳ್ ಕಂಡದೇಶಕೆಲ್ಲಾ ನಲ್ಲದೋ ಮಾಡಿ |
ಕೇಳಿಪಟ್ಟಿ ಪಾಕಡಕ್ ಪೊಯಿಸೇರಿಯಾ ||೪||
ಈ ಲೋಕತ್ ಮನ್‌ಸ ಕೆಜ್ಜಕರ್ಮಡೆಲ್ಲ ನೀ |
ಆಳ್‌ಬೇದ ಕಾಣತೆಯೊ ಪಾಪತೋಪಿಯಾ ||೫||
ಮಾಯತುಳ್ಳದೇವಿ, ನೋಡ ಪಾದಕ್ ಬೂವೀ |
ಚಾಯಿಗೊಂಡ್ ಎಂದು ಯೆನ್ನ ಕಾಪಾಡ್ ದೇವಿ ||೬||

* * * * *

ಮೂಲ ಕಾವೇರಿ ಸ್ಮೋತ್ರ

ಕೊಡವುಲ್ ಪುಟ್ಟಿತ್ ದೇವಿ| ಪಡಂದಿಯ ಕಾವೇರಿ ಪೆದ||
ಕುಂಡಿಗೆ ತೇರತ ನೀನೆ| ಕಂಡಿತ್ ಬೋಡುವಿಡಿಡಾ ||೧||
ಸಂಸಾರಂದೆಣ್ಣವ ದುಕ್ಕ| ವಂಶತೂತಪ್ಪಾಲೆ ಸದಾ ||
ಏಡಪ್ಪಲಜ್ಜ ಸಂತಾನ | ಮಾಡ್‌ನ ಪಾಪನೀಕಳೆ ||೨||
ದೇವಿ ಕಾವೇರಿಯೇ ನೀಡ| ಸೇವೆಯೊ ಮಾಡುವ ಮನ||
ಬಾವಳ ನಾಕ್ ನೀ ತಂದ್| ಪಾಪನ ಮಾಡಿಯ ಸದಾ ||೩||

4 * * * * *

ಮಂಗಳಾ ನೀತಾರೊ

ಮಂಗಳಾ ನೀತಾರೊ| ಶಿವಾ ||ಪ||
ಚಂಗ್ ಪೂಜೆಡಾಪ| ದೇವಾ ||ಅ||ಪ||
ಗಂಗೇನ ಚೂಡ್‌ನ| ಲಿಂಗಾವತಾರನಾ||
ಬಾಂಗಿತ್ ತುದಿಪಿ|| ಕೇಪಿ ||೧||
ಕುಂದ್ ರಾಜಮೋವಳ| ಡೆಂದುಕಾಂಬ ದೇವಳ||
ನಿಂದ್ ಬೋಡುವಿನೊ|| ನಾನೊ ||೨||
ಅಪ್ಪಚ್ಚಿ ಹರದಾಸನೊ| ತೊಪ್ಪಳ ಮಹೇಳನೊ||
ಇಪ್ಪ ನಾಕೆಯೆಂದೊ|| ಇಂದೊ ||೩||

* * * * *

ಶೂರಬ್ರಹ್ಮಂಡರಾಣಿವಾಣೀ

ಶೂರಬ್ರಹ್ಮಂಡರಾಣಿವಾಣೀ| ತಾರೊಗುಣಸರಸ್ವತಿ||ಪ||
ಬಾರೂನಾವ್‌ಲಳತ್ ಅರಿವ್‌ಕ್| ಬೇರತಾಸರಸ್ವತಿ ||ಅ||ಪ||
ವೇದಮೂರ್ತಿಡಪಾದಪೂಜೆಲ್| ಚೋದ್‌ಲುಳ್ಳ ಸರಸ್ವತಿ||
ಡೇದ್‌ವಿದೈಕುಡೇದ್‌ಭಾಗ್ಯಕು| ಡಾದಿಯಾನಸರಸ್ವತಿ ||೧||
ಮುದ್ದಮಕ್ಕಕ್ ಫಿದ್ಯದಾನಕು| ಬುದ್ಧಿಗುಣಕು ಸರಸ್ವತಿ|
ಗೆದ್ದಯಿಂಗ್‌ವುದ್ಯೋಗಕೊಡ್‌ಪಕು| ಮುದ್ದವ್ವಸರಸ್ವತಿ ||೨||
ಕೊಣ್ಣಂಗ್‌ಕಬಡಾಯಿ ಕೊಡ್‌ಪಕು| ಪೊಣ್ಣೊಮಾಯಕುಸರಸ್ವತಿ||
ಕನ್ನಿಯಕ್‌ಕೊಣಿಸಿರಿಕುನೊಣೆಕೂ ಪೊನ್ನವ್ವ ಸರಸ್ವತಿ ||೩||
ಮಂಗ್‌ಲಕುಮೇಲಾಟತಾಸೆಕು| ಚಿಂಗರಕುರಸರಸ್ವತಿ||
ಪೊಂಗಬೆಂದುಕ್ ತಾಂಗಿನಿಪ್ಪಕ್| ಗಂಗವ್ವ ಸರಸ್ವತಿ||೪||
ದೋಷನಾಶಕ್ ಕವಿ ಕುಲತ್‌ಲ್| ವಾಸಲುಳ್ಳ ಸರಸ್ವತಿ||
ಯೀಶಂಡಹರದಾಸತುದಿಪಳ| ದೇಚವ್ವ ಸರಸ್ವತಿ ||೫||

* * * * *

ಕೂಡಾ ಭಕ್ತಿ ಸಾಟ್

ನೆನಪಿಮಿಞ್ಲಾಲೆ ವಿಘ್ನೇಶಾ

ನೆನಪಿಮಿಞ್ಲಾಲೆ ವಿಘ್ನೇಶಾ||ಪ||
ಮನಕ್‌ದೂರಲೊಮಾಡ್‌ದೋಷ||ಅ||ಪ||
ಹರನೆಂದುಕೊದಿಪಳ| ಸುರನರತುದಿಪಳ||
ಹರಿಯೆಂದುಮೆಚ್ಚುವಳನಿನ್ನ||೧||
ಬುದ್ಧಿಗುಣಕಾದಿಯಾನ| ವಿದ್ವಿಯಕ್‌ಮೂಲವಾನ||
ಉದ್ವಮೂಕ್‌ ಗಣಪನೆನಿನ್ನ ||೨||
ಕಾರಿಯತರದಾಸಂಗ್‌| ಯೇರಬೇರಲೆಣ್ಣಿತಂದ್‌||
ಶೂರನೆದಯಕಾಟೆಂದು||೩||

* * * * *

ಗಣಪತಿಡಪ್ಪನೆ

ಗಣಪತಿಡಪ್ಪನೆ ಗುಣತಾಯೀಶನೆ| ಮನತಾನೆನಪಿಯಿದಫಣೀಧರನೆ ||ಪ||
ಕ್ಷಣತ್‌ಲ್ ನಿನ್ನಲೊನೆನತಯಿನೆಲ್ಲರ| ಒಣಕತೆಚಾಕುವಬೆಂದುನಿ||
ಗುಣಕುಮನಕುಪಕುಸಿರುಕು| ಹೊಣೆನಿಡಾನಪಿನಾತೇಶನೆ| ಅ ಪ||
ನೀಲಕಂಠ ಶಿವಶೂಲಪಾಣಿಭವ| ಕಾಲಕಾಲಫಣಿ ಮೂಲಧರ||
ನಾಲ್‌ದಿಕ್‌ಕುನೀನ್ ಮೇಲಾನದೇವಂದ್‌| ಕೇಳಿಯೊಕೇಪಿ ನೊತ್ತಿಪುರಹರ||
ಶೀಲಕ್ಕುಮೂಲಕ್ಕು ಮೇಲ್‌ಕ್ಕುಬಾಳಕ್ಕು| ಕೇಳುಗುರುವಾನಗಂಗಾಧರ||೧||
ಕಾಶಿಲ್ ವಾಸನಿಕೇಳವಬಾವನೀ| ದೋಷಿಯಾನಹರದಾಸಂಗ್‌ನೀ||
ಸಾಸಮಾಡಿತೆಕೇಪಡಾಶೆಯೊ ತ್‌ತಿತ್‌| ಪೋಷಣೆಮಾಡ್‌ಮಹಾದೇವ||
ದೋಷಕ್ಕುನಾಶಕ್ಕುಡಾಶೆಕ್ಕುಬಾಷೆಕ್ಕು| ಈಶನಿಶೂಣಾಪಶಂಕರನೆ||೨||

* * * * *

ಕೂಡಾ ಭಕ್ತಿ ಪಾಠ್

ನಾರಾಯಣ ಹರಿನಾರಾಯಣ

ನಾರಾಯಣ ಹರಿನಾರಾಯಣ ಹರಿ! ನಾರಾಯಣಹರಿಯೆ ||ಪ||
ದೂರತ್ ನೀಯಿಲ್ಲೆ ನೀಕೆನ್ನಕಾಂಗುಲತಾರೊನಿಗುಣಹರಿಯೆ ||ಅಪ||
ಮಾದೇವಿರೊಡೆಯನೆಗೋವಿಂದದೇವನೆ! ದಾದಿಯುಮೂಲನೀನೆ||
ಡೇದುಪುರಾಣತುಡೋದಿತುದಿಪೂರ್ | ಮಾಧವದೇವನೀನೆ ||೧||
ಭಾಷೆಕೊಡ್ ಪಕುಡಾಶೋಯೊತ್ ಪಕು | ಡೀಶಂಡಬಾವನೀನೆ ||
ದೋಷ ಲೊಕಂಡಕನಾಶಲೊಮಾಡುವ | ವಾಸುದೇವನೀನೆ ||೨||
ಭೂಮಿಲ್ ಪುಟ್ಟಿತ್ ಕೇಳಿ ಪಡದೂರ್ | ರಾಮನೊನೀನೆನ್ನೆ||
ನೇಮತ್ ನಿನ್ನ ತುದಿಪಯಿಂಗೆಲ್ಲ ಕು | ಪ್ರೇಮಿಯುನೀನೆನ್ನೆ ||೩||

* * * * *

ದೇವಂಗೊತ್ತ ಪಾರ್ವತಿಯೆ

ದೇವಂಗೊತ್ತ ಪಾರ್ವತಿಯೆ | ದೇವಿಚಾಕೆನ್ನೆ ||ಪ||
ಬೂವಿನೋಡಕಾಲ್ ಕಡ್ಡ | ದೇವಿತಾಗುಣ ||ಅ|ಪ||
ಶೂಲಡ್ ಪಕಾಲಂಡಸಿರಿ | ಮೂಲತ್ ದೇವಿ ||
ಶೀಲನಲ್ಲ ಪೂಕುಂಞಾನ | ಕೇಳ್ತಾರೊನೀ ||೧||
ನೆತ್ತಿ ಕಣ್ಣ್ ಶಂಕರಂಡ | ಮುತ್ ದೇವಿಯೆ |
ಸತ್ತಿಯತ್ ಕಾಪಾಡೆನ್ನೆ | ಪೆತ್ತವತಾಯೆ ||೨||
ಪಚ್ಚಿ ತೊಂಡಪರಶಿವನೊ | ಮೆಚ್ಚ್ಚನದೇವಿ||
ಇಚ್ಚಿಯಾಡತೇತ್ ಚಾಕ್ | ಬೆಚ್ಚನೀದಯ ||೩||

* * * * *

ಶಿವಂಡಮೋಂವನೆ ಶಣ್ಮುಖನೆ

ಶಿವಂಡಮೋಂವನೆಶಣ್ಮುಖನೆ| ಮಹಗುಹನೆ ||ಪ||
ಬಾವಗುಣತಾರೊ| ಭವಹರಮೋನೆ ||ಅ||ಪ||
ಲರ್‌ಮಂಡೆಕಾರಧೀರ| ಮಹವೀರ||
ಈರಾರ್‌ಕಯಿಕಾರ| ಶೂರಕುಮಾರ ||೧||
ಧಾರಪೂಜಿಕಧಿಪತಿಯೆ| ಮಹಯತಿಯೆ||
ಶೂರಂಗಳಡಕುವ| ಸುರಸೇನಾಪತಿಯೆ ||೨||
ಭೂಲೋಕತಸುರಸಂಹಾರಿ| ಮಹಶೌರಿ ||
ಬಾಲಬ್ರಹ್ಮಚಾರಿ| ಕೇಳುಪಕಾರಿ ||೩||
ಷಷ್ಠಿಪೂಜೆಯೊನೋಡಪೆದತ್| ನಾನೊಗುಣತ್||
ಮುಟ್ಟೂರಿಮಾಡೊನೆ| ನೆಟ್ಟಿತೆಮನತ್ ||೪||
ಕಂದೊನೋಡಂದೊಮನನೊಂದೊ| ನೀನ್ ಬಂದೊ ||
ಬಂದನೆನ್ನಡತ್| ನಂದೊಮಾಡೆಂದೊ ||೫||

* * * * *

ನಾರಾಯಣದೇವದೇವ

ನಾರಾಯಣದೇವದೇವ| ನಾರಾಯಣಶಿವಂಡಬಾವ ||ಅ||ಪ||
ನಂಬೊನಯಿಂಗೊಡಿಂಬೊಡಾನೋರೊ| ನಂಬತಯಿಂಗೊಡಂಬೊಬುಡುವೊರೊ||
ಬಂಬನೇಕೇಳೊನಿಶುಂಬನಕೊಂದೊರೊ| ಜಂಬನಡಕೊನರಮಾಪತೆ||೧||
ಬಗೆಬಗೆ ಅವತಾರೆಡೊತೊರೊ| ಜಗದೇವಂದೊಬಿರೊಡೊತೊರೊ||
ಅಘಂದೆಣ್ಣು ವಅಸುನಕೊಂದೊರೊ| ಸುಗಜನಕೊಡೊಪಹರಿಯೆ ||೨||

* * * * *

ಕೊಡವ ಭಕ್ತಿ ಪಾಠ್

ಗಂಗೆರ ಮೋವ ಸುಬ್ರಹ್ಮಣ್ಯ

ಗಂಗೆರಮೋವಸುಬ್ರಹ್ಮಣ್ಯ ||ಪ|| ಬಂಗನಿತರತೆಶರಣ್ಯ ||ಅ||ಪ||
ಡೊಂದುಳೊರೊಮೋವಕ್‌ಲೊ| ಬಂದನಲೊಬಂದದ್‌ಲೊ||
ಡಿಂದ್‌ಬಂದ್ ನೀನ್‌ನೋಟ್‌ಲೋ||೧||
ಒಕ್ಕಡಕುಡಿಬೀರಂಗ್| ಬಕ್ಕತ್‌ಪಡೆಬೀರಂಗ್||
ಚೊಕ್ಕನಪಂದಿಕೆತ್ತಿಚಿಂಗ ||೨||
ಕಾಳಿಕುಮಹಮಾರಿಕ್‌ಲೊ| ಕೋಳಿಆಡ್‌ಕೆತ್ತಿತಾಚಿಲೊ||೩||
ಮುತ್ತಪ್ಪಂಗ್‌ಕೆಟ್ಟಿತಾಚಿ| ಬೊತ್ತನಾಂಗ್‌ಚೋಪ್ ಕರಪಾಚಿ ||೪||
ಮಾಡಿತುಕೊಡ್‌ತಿತಾಚಿ| ನೋಡ್‌ಗುಣಕ್ಕಟ್ಟಿತಾಚಿ||
ಏಡಮೋವಬುದ್ಧಲ್ಲಿಯೆಡಾಚಿ ||೫||
ಆರ್‌ಬೇರಕೇಟರಿಂಜ| ಶೂರಗುಹ ನಿನ್ನರಿಂಜಿ||
ಧಾರಾಪೂಜೆ ಮಾಡ್‌ನರಂಜಿ||೬||

* * * * *

ದೇವದೇವಿಯೊಬಾಳಿ

ದೇವದೇವಿಯೊಬಾಳಿ | ಚಾವನಕ್ಕೆನಿಂಗಕೇಳಿ ||ಅ||ಪ||
ಕಾಮರತಿ ಬಾಳೊನೋಲೆ| ರಾಮಸೀತೆಡಿಂಜೋಲೆ||
ಭೂಮಿಲ್‌ಪೆದಪಡದ್ ||೧||
ಭಕ್ತಿಲ್‌ಮಾಬಲಿಕ್‌ಡೊತ್ತ್| ಶಕ್ತಿಲ್ ಮಹೇಶಂಗೊತ್ತ್ ||
ಯುಕ್ತಿಲ್ ಹರಿಕ್‌ಡೊತ್ತ್ ||೨||
ಮಕ್ಕಮರ್ ಮಕ್ಕಾಯಿತ್ | ಅಕ್ಕರತ್‌ಬಾವಕ್ ಎಕ್ಕಲು ಶಿವನನಂಬಿ ||೩||

* * * * *

ಸ್ವಾಮಿಯೇಳ್

ಸ್ವಾಮಿಯೇಳ್‌ಲೊಶಿವ| ಕೋಳಿಕೂವಲಭವ||
ಭೂಮಿಯೊಬೊಳಿ ಪಾಂಜತೊ ||ಅ|ಪ||
ಕೇಕ್ ದಿಕ್ಕೊಲೊಚೊಂದ್| ಕಾಕೆಪಕ್ಕಿಯ ಕೂಂದ್|
ಬಾಂಗಾಡ್‌ಮುಚ್ಚೆಂಗ್‌ಹೂಕ್‌ಡ್‌ವಾಲ||
ಚಾಕ್‌ನಗ್‌ಣಿಕೂಡ| ಪಾಕುಡಿಪಕ್‌ಕೇಪ||
ನೀಕ್‌ಮುಂದ್‌ನದೇವದಾರಂದ್| ಲೋಕಜನವೆಲ್ಲನಿನ್ನತುದಿಪಕ |
ದಾಕುನೀವರಕೊಡ್‌ಕತಿಪ್ಪದ್| ನೀಕ್‌ಚಾಯಶಿವನೆ ಹರನೆ ||೧||
ಕೆರೆಲ್‌ತಾವರೆಬೀಂದ್| ಕರಿತುಂಬಿತೆಂಗುಡಿಪ|
ನೆರೆಂದ ಮೂಡಿಯಳೆದ್‌ನೆರಿಕ್ಕಿಂಞ್‌ವಾಲ| ಅರಿಂಜಬಾಲರೊಡೆಲ್ಲ |
ಗುರುಮಿಂಞ್‌ಡೋದುಪಾಲ|| ಒರವಪದ್ವಿನಿಒಡೆಯಂಗರಿಯತೆ|
ಬೆರಿಯಯೆದ್‌ ಪೊಡೆಯವುಡ್‌ತಂಡ್|
ಪೊರಮೆಬಂದ್‌ಮೂಡ್‌ಕತ್ತಿತ್| ಕುಯಿಯೊಲ್‌ಟ್ಪೊಡಿಕಿತಳಿಪಲ||೨||
ಕಳಿಪಮಕ್ಕಳೊಯೆದ್‌ ಪಲತರಕಳಿಲುಂಡ್|
ಮೊಲೆಕುಡಿಪಳಕ್ಕುಂಞ್‌ ಮೊಲೆಕೇಟಂಡುಂಡ್||
ಕುಳರ್‌ಲಜ್ಜನುಲಜ್ಜಿ|| ಒಲೆಮಿಂಞ್‌ಕೆಮ್ಮುವಳ||
ಬಲತೆಬರಿಲ್‌ನೀನೊಯೆದ್ವಿತ್| ಅಳೆತ್‌ಕೈಲ್ ಕಣ್ಣ್‌ತ್‌ಟಿತ್|
ಒಲಿಂಜನೋಡರದಾಸಂಗಾಯಿತ್| ಒಳಂಜಿಬಾಪರ ಶಿವನೆಹರನೆ ||೪||

* * * * *

ಕೊಡವ ಭಕ್ತಿ ಪಾಠ್

ಗಿರಿಜೆತಾಯಿ ಕಾಪಾಡ್

ಗಿರಿಜೆತಾಯಿ ಕಾಪಾಡ್ ||ಪ||
ಇರ್‌ಪಗನಾಬೋಡಿನೊ| ಮರೆಪ ನೀನ್ ಸರಿನಾ ||ಅ||ಪ||
ಬಂಡರಾಕ್ಸಸೆಲ್ಲಡ| ಪುಂಡ್‌ನೀನಡಕಿತ್||
ರುಂಡ ಮಾಲೆಯಿಟ್ಟಿದೇವಿಯೆ ||೨||
ಕಣ್ಣೊದಂಡ್‌ಯೀಶಂಡ| ಡೊನ್ನಾಂಡ್‌ನಿ ಮುಚ್ಚಿಮು ||
ಕೃಣ್ಣೊಪೆದಮಾಡ್‌ನದೇವಿ ||೨||
ಪೆರಪಾಂಬ್‌ಶಾಪನೀ ಹರಿಕ್‌ಟ್ಟಿದೇವಿಯೆ|| ಕರಕರೆತ್‌ತ್‌ಚಾಕೆನ್ನ ||

* * * * *

ತಾ ನಾಕ್ ತಾಗುಣವೊಶಂಕರ

ತಾನಾಕ್‌ತಾಗುಣವೊಶಂಕರ| ಇದಬೋಡುವಿವರ ||ಅ||ಪ||
ಚರಾಚರಕುಗೊತ್ತ್ | ಪರಾಪರಸೊತ್ತ್||
ಸುರಾಸುರಕುನರಾನರಕು| ತರಾತರತ್‌ವರಕೊಡ್‌ಪನಿ ||೧||
ಪಿನಾಕನೆಕೇಳ್| ಜನತಾರೀಬಾಳ್||
ಗುಣಸಿನೊಯಿದ್ ಕ್ಷಣಕೆಚಾವದ್ | ಫಣೇಧರನಿನ್ನನೆಪಮನತಾ ||೨||
ಹರಿಹರನೆಕೇಳ್| ಹರದಾಸಕೇಳ್||
ನರಜೀವಕಾಯಿರ್‌ಪಗತ್| ಕರಕರೆಯೊನಿತರತೆನಾಕ್‌ನೀ ||೨||

* * * * *

ಕೊಡವ ಭಕ್ತಿ ಪಾಠ್

ತಾಗುಣಶಂಕರ

ತಾಗುಣಶಂಕರ| ಯೋಗಿಮನೋಹರ ||ಪ||
ನಾಗಭೂಷಣಶಿವ| ಭಾಗಿರಥಿಧವ ||ಅ||ಪ||
ಜಡೆಯೊಅಯಿಂಜಿತು| ಒಡಲುರಿಕಂಡಿತು||
ಒಡೆಯನರತಿಕ್‌ನಿ| ಕೊಡ್‌ತೊರ್‌ದೇವನೆ ||೧||
ಬೆದಲಿಂಜನಿನ್ನಡ| ಎದಬಂಗಮಾಡಿತ್||
ತುದಿಚೊರ್‌ಡಗ್ಗಿ| ಗದಿನೀಕೊಡ್‌ತೊರ್ ||೨||
ನರಬಾಳ್‌ಲ್‌ಸುಗ| ಅರಿಂಜರದಾಸನ||
ಮರೆಯತನೀಚಾಕಿಯ| ಪರಮೇಶದೇವನೆ ||೩||

* * * * *

ಶಿವಶಂಭೂಶಂಕರಾ

ಮಂಗಳ ಶಿವಶಂಭೂಶಂಕರಾ| ದೇವಾ|
ಗಂಗೆನ ಚೊಡ್‌ನ ಸಾಂಬಶಿವ|
ಸಂಗಟಾಲೋತ್‌ಪಳ| ಗಂಗಾಧರಸ್ವಾಮಿಯೆ|
ಜೂಂಗಿ| ಬಾಂಗಿ| ಏಂಗುವದಾಸರಡೆಂದು ನೋಟ್|
ಕಾಂಗು ನೀಕೆನ್ನ| ನಾಂಗ್ ತಾ ಗುಣ|
ಪೊಂಗೊಂದುಳ| ಭಾಗಂಡೇಶ||

* * * * *

ಕೊಡವ ಭಕ್ತಿ ಪಾಠ

ಮೆಚ್ಚನಬಾಳಲ್

ಮೆಚ್ಚನಬಾಳಲ್‌ಡೆಕ್ಕಲುಗೋಳ್ ||ಪ||
ಅಚ್ಚುತದೇವನೆತಾಸುಗಕೇಳ್ ||ಅ|ಪ||
ಬರಬ್ರಹ್ಮಲೊಟ್ಟೊಸ್ | ನೂರುಯಿರುವದು |
ನೇರಾನಬಯತಂದ್ | ನರಜೀವಕಾಶೆ ||
ಒರಕೊಕರುಪೋಚಿ | ಅರಿವುಕಿರುವದಾಚಿ |
ಮರೆವುಕಿರುವೋಚಿ | ಇರುವಸುಗಕಾಚಿ ||೧||
ಆಳ್‌ಕೋಣಿಕಳಿ | ಕಾಲಪತ್ತದಂಡ್ |
ನೀಲಕೋಡಿದೇವಿ | ಮೇಲಾಟತಾಚಿ ||
ಕಾಳೆತಾನಾಡುಂದ್ | ಪೋಲಿರ್‌ಅರಿಯತೆ |
ನೀಲಕಂಠಗೇನ | ಕೇಳದ್‌ಮಾಡಲ ||೨||
ಬಾತೆಬಾತ್‌ಲಯಮ | ಭೀತಿಲುಳ್ಳಲಾಳ್ |
ಕಾತಿತ್‌ಬೋಳೆಕ್ | ತಾತುಲಕೇರ್ ||
ಡೇತಕ್ಕಲ್‌ಲೇಣ್ಲೇನೊ | ಕಾತೊಟ್ಟೊಬೋಡಿನೊ |
ಧೀತ್ ಬಲಿಚಂಡೆ | ದೂತಂಗಪೋಕುಲ ||೩||
ಬುಟ್ಟೊಪೋನಾಚಾವು | ತೊಟ್ಟೊ ನೋಟುಲುಜನ |
ಕಟ್ಟೊಪಣೆಕುಳ್ಳಮುಟ್ಟೆಲ್ಲತೇಡು ||
ಪಟ್ಟಿತ್‌ರಾಣಿಯು | ಪುಟ್ಟೊನ ಮಕ್ಕಳು |
ಉಟ್ಟಿಮಂಡೆಪೋಯ್ಯು | ಕೆಟ್ಟೀರೊಂದೆಣ್ಣೊಲ ||೪||
ತೋಕ್‌ಬೋಡಿಯಾಯಿ | ಕೇಕೊಳಕೆತ್ತನೆ |
ಕಾಕಿಮೊರಟಂಡ್ | ಪೋಕುಲ ಡೆಲ್ಲಾ || ಚಾಕ್‌ನಮಕ್ಕಳೊ |

ಕೂಡವ ಭಕ್ತಿ ಸಾಹಿತ್ಯ

ಆಕೊಡಡ್ತಂಡ್ತಲಕೊರಕ್ದೇವಿ|| ತಾಕುಕ್ಕುಕ್ಕೆಬಳೆ ||೫||
ಸುತ್ತುಮುತ್ತುಬೆಂದು| ಕೆತ್ತಿತಡ್ಡಾಕನ|
ಕತ್ತೂವ ಮಾಲುಡ| ಚಿತ್ತಾರಿಮೇಲೆಡ್ಡಾತಿತ್ತಾಬೆಕ್ಕುಲ|
ತಿತ್ತಾಲೊಕೂಟುಲ| ಬೆತ್ತಲೆಮೇಲಾನಾ| ಕುತ್ತಿಚುಡುವುಲ ||೬||
ಮರಣತಾಂಗರಿಯತೆ| ಪರಗುಣಕೆಯ್ಯತೆ|
ಹರನೆಂದುನೆನೆಕತೆ| ಉರಿಂಜತ್ಬಾಳೊ||
ಪೊರಟ ಜೀವಕಲ್ಲಿ| ನರಕವೊತಪ್ಪಲ|
ಹರದಾಸಂಗಯ್ಯೊಯಿ| ನರಜನ್ಮಹರಿ ತರತೆ ||೭||

* * * * *

ಮಾಧವದೇವನೆ

ಮಾಧವದೇವನೆಮಾದೇವಿರೊಡೆಯನೆ|
ತಾದಯನಾಕ್ಲೋಗೋವಿಂದನೆ ||ಅ||ಪ||
ಆಮೆಲವತಾರಿ| ವಾಮನವತಾರಿ||
ಸೋಮುಕಸುರಸಂಹಾರಿ ||೧||
ಈಶಂಡಪ್ರಿಯನೆ| ಶಿಶುಪಾಲನನಾಶನೆ||
ಕೇಶಿಸಂಹಾರನೆ ಕೇಶವನೆ ||೨||
ಮಧುಮತಿರೊಡೆಯನೆ| ಪದುಮಿನಿನಾಥನೆ||
ಗದಿಯೊನಿ ತಾರೋಮುಕುಂದನೆ ||೩||

* * * * *

ಎಂಗಂಡಕುಲದೇವ

ಎಂಗಂಡಕುಲದೇವದೇವನೆ| ಎಂಗಡಗುಹದೇವನೆ ||ಅ||ಪ||
ನಿನ್ನತುದಿ ಪಕ್‌ಬಾಯೊಂದ್‌ಪೋರಲ| ಪನ್ನೆರಂಡ್‌ಕಯಿಲುಳ್ಳದೇವ||
ನಿನ್ನಡಮಂಡೆಯೊ ಆರ್‌ಲೊಡುಳ್ಳದ್‌| ಕಣ್ಣ್‌ಕೆಕಂಡತ್‌ಕೇಳ್ದೇವ ||೧||
ನೋಡಮಹಿಮೆ ನರಿಯತೆಯೆಂಗಳೊ| ಮಾಡ್‌ನಕೇಡ್‌ಕ್‌ ಪೋಚಿಲೆಂಗ||
ನೋಡ ದಯತ್‌ಲ್‌ಚತ್ತವು ಎದ್ದಿತ್‌| ಬೋಡುವನಿನ್ನಡಪಾದಕೆಂಗ ||೨||
ಎಚ್ಚರಗೊಂಡಿತ್‌ಚಾಕ್‌ನಮೋವಡ| ಡಿಚ್ಚೆಯೋತೇಪಕ್‌ನೀನ್‌ಬಂದ್‌|
ಪಚ್ಚ ಡಕ್‌ಪೋಣ್‌ ಬೆಚ್ಚೋಲೆಬೆಕ್ಕತೆ| ಅಚ್ಚುತಮಯಿಮನೆಕೇಳಯಿಂದ್‌||೩||
ಜಾತಿನಡಪೋಲೆತಪ್ಪಲಕನ್ನಿನ| ಆತುರಮಾಡತೆಕೊಂಡ್‌ಪೋತೆ||
ಸೀತೆನ ರಾಮಂಗೆದಾರಕಯಿಚೋಲೆ| ಆತುರನೀಕ್‌ಲೊತಪ್ಪಕೇಳೊ||೪||
ದೂರತೆಯಂಗಳೊಮಾಡ್‌ನತಪ್ಪಾಕ್‌| ಬಾರೊ ಮನೆಕ್‌ಬೆರಿಯಪೋಕ||
ಊರ್‌ನಾಡ್‌ಬೆಂದುಕೂಡಿಲವಲಿನ| ದಾರೆಯೊಬೂಕುವಯೆಂಗನೀಕ್‌ ||೫||

* * * * *

ತಾರೊಶಿವಂಡಮೋಂವನೆ

ತಾರೊಶಿವಂಡಮೋಂವನೆಗುಣವೊ| ಗುಹನೆ||ಅ||ಪ||
ಆರ್‌ಮಂಡೆಲುಳ್ಳನೀನೆ| ಈರಾರ್‌ಕೈಲುಳ್ಳನೀನೆ||
ಶೂರಸೇನಾಧಿಪನೀನೆ| ನಾರಾಯಣ ಮೈಮನೀನೆ ||೧||
ಆಗತೆಯಿಂಗಾಗಡೆಂದೂ| ಯೋಗಿಯಕ್‌ಗುಣಡೆಂದು||
ಭೋಗಬಾಗಿಯತಪ್ಪಡೆಂದೂ| ನಾಗಂಗಡಕೊದಿಬೆಂದು ||೨||
ಯುಕ್ತಿ ಅರಿಂಜಿಕೊಡ್‌ಪ| ಭಕ್ತಡಬೆಮ್ಮರೆಕಾಪ||
ಶಕ್ತರಡಕುವಭೂಪ| ಮುಕ್ತಿ ದಾಸಕ್‌ತಾರೊಕೇಪ||೩||

* * * * *

ಪಾರ್ವತಿ ದೇವಿ

ಪಾರ್ವತಿ ದೇವಿ ತಾಮಂಗಳಂ ||ಅ||ಪ||
ವೇದವೊನಾಲಾತು| ಡೇದು ಪುರಾಣತೂ||
ಡೋದಿತುದಿಪೊರ್| ಡೋದಿತುದಿಪೊರ್| ಮಾಧವತಂಗೆ ||೧||
ಶಣ್ಮುಖಿಂಡವ್ವನಿ| ಮನ್ಮಥಮಾಂವಿನಿ||
ಕಣ್ಣೊಂದ್‌ವುಳ್ಳ| ಚಿನ್ನಯರಾಣಿ ||೨||
ಗೋಪನೊತುದಿಪವ| ತಾಪಸಕೊಲಿಂಜವ||
ಪಾಪಜನತ್‌ರ| ತ್‌ಪಳಗಿರಿಜೆ ||೩||
ನೊಂದಾಯಿನರಿವಳ| ಬಂದನತ್‌ಪಳ||
ಕುಂದ್‌ರಾಜಮೋಳೆ|| ಡೆಂದು ತಾಗುಣನಿ ||೪||
ಅಪ್ಪಚ್ಚರದಾಸ| ತೊಪ್ಪಳಯೀಶೆನೊ||
ನೆಪ್ಪಲೊಮಾಡುವಿ| ತಪ್ಪತೆಗೌರಿ ||೫||

* * * * *

ಗುಣತಯೀಶ್ವರ

ಗುಣತಯೀಶ್ವರ| ಮನತ್‌ಲ್‌ನಾನೆನಪಿಶಂಕರ ||ಪ||
ಮನೆನೀಜಗತ್‌ಲ್‌ ಮಹಕಡನೀ| ಪಣತ್‌ಲ್‌ ಅದಿದೊರೆನೀ|
ಜನಕ್‌ಲೊಮಹಶೀವನೀ ||ಅ||ಪ||
ನೆತ್ತಿ ಕಣ್ಣು ನೆಲಚಿನೇರನೀರಗ್ಗಿನೀನಲ್ಲ ತೆಕೇಳ್|
ಉತ್ತನಡ್‌ಪಳ ಭೂಸೊತ್ತ| ಕಡತ್‌ಲ್‌ ನೀಮುತ್ತ| ಕಾಣತನೀಕಾತ||೧||
ದುಂಬಕೇಳ್‌ನೆನೆಪನೋಡರದಾಸಂಗ್‌ನೀಗುಣಕ್ಕೆ||
ನೆಂಬತಯಿಂಗ್‌ಲೊ ನೀ ಅಂಬ್ |
ನೆಂಬಿನೊನೀಯಿಂಬ್‌| ಬಂಬಕುನೀಶಂಬು||

* * * * *

ಕೊಡವ ಭಕ್ತಿ ಪಾಠ್

ಬಾರಿಕ್ಕೊಯ್ಯನಪೂ

ಬಾರಿಕ್ಕೊಯ್ಯನಪೂ| ಸೇರೀತೇಡಿಪೊ||ಪ||
ಬೀರಿತಿದರಿ| ದೂರತದರಿ| ತಾರಿನಾಕದ್ ||ಅ||ಪ||
ಡಪ್ಪರನೋಟದ| ಡಿಪ್ಪತಾವರೆ| ಡೊಪ್ಪಜಾಜಿಯೊ||
ಚಪ್ಪೆಯನೆಲಂ| ಜಪ್ಪೆಯಮಾಂ| ಜಪ್ಪೆಯನದ ||೧||
ನಾಲ್‌ದಿಕ್ಕುಲದ| ಸಾಲ್‌ಸಾಲ್‌ಲ್| ತಾಳೆಸುರುಳಿಯೊ||
ನೀಲಕ್ಕೋಡಿಯ| ಮೇಲಾಂಜಿತ್| ಕೇಳಿಕ್ಕೊಯಿರಿ ||೨||
ಚೆಂಡ್‌ಕಣಿವಕ್| ಕಂಡೆನೋಟದ| ದುಂಡ್‌ಮಲ್ಲಿಗೆ||
ಚೆಂಡ್‌ಪೂವಿದ| ಕೊಂಡೆಪೂಲದ| ಕೊಂಡ್‌ಬಾರಿ ||೩||
ಬೇಲಿಕ್ ಸುತ್ತ| ಗುಲಾಬಿನೋಟಿರೊ|| ಯೇಳ್‌ತರತರ||
ಬೋಳೆಕೆನ್ನಡ| ಮಾಲೆಕಟ್ಟಡ್| ನಾಲ್‌ತರಡ್ ||೪||
ನಂಬ್‌ನರಾಣಿಕ್| ಶಂಭುಡದೇವಿಕ್| ದುಂಬಪೂಜೆಕ್|
ಕೆಂಬತಿ ಪೂವು| ತುಂಬೆತೊಳಸಿಯು| ದುಂಬಕ್ಕೊಯಿರಿ ||೫||

* * * * *

ಕೊಡವ ಭಕ್ತಿ ಪಾಠ

ಮೇನಕಿಮೋಳೆ

ಮೇನಕಿಮೋಳೆಪಾವರ್ತಿ | ಪಿನಾಕರಾಣಿಯತಾಗುಣ ||ಪ||
ನಾನುಬೋಡುವಿಕೇಳಲೊರು | ದ್ರಾಣಿತಾಸುಗನಾಕಲೊ ||ಅ||ಪ||
ಬೆಂಜವನೀನೊಡೆದ್ದಿತ್ಯೇಳೆ | ಮಂಜಿಕುಂದ್‌ಲುದಿಚಿತ್ ||
ಅಂಜಿಮೂಡ್‌ನ ತಪಸ್‌ಮಾಡಿಯ | ನಂಜಿನಲಿಂಜಂವನೊಲಿಂಜಿಯ ||೧||
ಸ್ವಾಮಿಕಂಜತೆ ಭೂಮಿಲಿಂಜೊರ್ | ಆಮಹಿತಾಸುರನನೀ ||
ನೇಮತಪ್ಪನಪಾಪಕ್‌ಚ್ಚಿಯ | ಚಾಮುಂಡಿಪೆದಕೋಂದಿಯ ||೨||
ಮಂಡೆವೊಂದ್ ಬ್ರಹ್ಮಂಡಕೇಳೆ | ನುಂಡುವಕ್‌ಮೊಳಿಡಾನೊರ್ ||
ಪುಂಡರಿಕಾಕ್ಷಂಡತಂಗನಿ | ಕಂಡ್‌ಚಾಕ್‌ಲೊಡೆನ್ನನೀ ||೩||

* * * * *

ಬಂಗಲೋನೀತಾರತೆ

ಬಂಗಲೋನೀತಾರತೆ | ಗಂಗಾಧರ ||ಪ||
ಸಂಗಟ ಅರಿವಳ ಶ್ರೀ | ರಂಗಬಾವ ಶಂಕರನೆ ||ಅ||ಪ||
ಗಣಪತಿಡಪ್ಪನೆ | ಗುಣತಾರೊದೇವನೆ ||
ಜನತಾರಮನಕ್‌ನಿ | ತೊಣೆಯಾನಪಣೀಧರ ||೧||
ನಿಂದ್‌ನಾಬೋಡುವಿ | ಬಂದನತೇತಿತ್ ||
ದಿಂದ್ ಮಿಳ್ಳಾನಂದಾಪಕ್ | ಡೊಂದ್ ಸುಗಡೆಂದುತಾರೊ ||೨||
ಈಶನೀನಾಶನೀ | ದೋಷಲೋತೇಪನೀ ||
ಕಾಸಹರದಾಸಂಡಲೊ | ಡಾಶೆಕೊರ್ ಭಾಷೆತಾರೊ ||೩||

* * * * *

ಕೊಡವ ಭಕ್ತಿ ಪಾಠ್

ತಾರೋಗುಣಕೃಷ್ಣ

ತಾರೋಗುಣಕೃಷ್ಣ | ಕೃಷ್ಣಾ ||ಅ|ಪ||
ನಂಬಿತ್‌ಸ್ವಾಮಿಯೆ ನಿನ್ನಲೊನಾ |
ದುಂಬಲೊಬೋಡುವಿ ಕೇಳೊಲೊನೀ||
ಪಾಂಬಾರ ಮೀದತರುವಳನೀ |
ಶುಂಬ ವೈರಿ ಮಹದೇವಾ ||1||

ಚಂಗ್‌ಪುಡ್‌ಚಂಡ್ ಚಕ್ರಯಡ್‌ತಂಡ್ |
ಪಾಂಗೊಳವುರುಪುವಶ್ರೀ ||
ರಂಗನೆ ನೀನೆಂದು ಪೊಂಗಳ ತೇಡತೆ |
ಕಾಂಗತನಾಕಿತರೆ ||2||

ಹರಹರಂದೆಣ್ಣೆತ್ ಕರಕರೆ ಮಾಡಿತ್ |
ಯಿರ್‌ಪಗಮೊರಟಿನೊನಾ ||
ಹರದಾಸನರಿಯತೆ ನೀದಯಕಾಟತೆ |
ವರತೆ ಕೇಶವನೀ ||3||

* * * * *

ತೇಡಿ ಬುದ್ಧ

ತೇಡಿ ಬುದ್ಧನೋಡಪಾದ |
ಬಾಡುವಾಲ ಜೀವಯೇಡ ||ಪ||
ಯೇಡಗೋಳ್ ನೋಟೀತ್ ನೀ |
ಮಾಡ್‌ಬಟ್ಟೆನಾ ಬಾವಕೊ ||ಅ|ಪ||
ನೋಡಗೇನಾ ಮಾಡುವಕ್ |
ನೋಡರಿಯತಿಂಜೆ ನಾನ್ ||
ತೇಡಿ ಬಂದೆ ಬಾಕ್‌ಡಿಕ್ಕಾ |
ಪೋಡಿಲೆಂದು ಬಾವಕಾಚಿ ||1||

ಮಂದ ಬುದ್ಧಿಲಿಂಜಿತ್ ನಾ |
ನೊಂದ್ ಬಾವಕಾಚಿಡಿಕ್ಕಾ ||
ಬಂದಗೋಳ್‌ಕೇಪದಾರ್ |
ತಂದೆ ನೀನಲ್ಲತೇನಾಕೊ ||2||

ಚೋಮಬೆನ್ನಳಪ ಶಿವನೇ |
ನಾ ಮಾಡ್‌ನ ಪಾಪಡೆಲ್ಲಾ |
ನೀ ಮನಸ್ ಮಾಡಿ ತೋತ್ |
ಸ್ವಾಮಿ ಚಾಕರದಾಸನಾ ||3||

* * * * *

ಗಣಪತಿ ಸ್ವಾಮಿಯೆ

ಗಣಪತಿ ಸ್ವಾಮಿಯೆ ಬೋಡುವಿ ನಿನ್ನ |
ಗುಣತ್‌ಲೆ ಬಾವಂಗೆ ಬಟ್ಟೆಯೂ ಕಾಟ್ ||೨||

ಚಂದ್ರಂಗೆ ಶಾಪಲೊಯಿಟ್ಟಿಯನೀನ್ |
ಬಂದಾನಕಂಡಿತ್... ಳೆಲ್ಲಾ ||
ಬಂದಿತ್‌ಬೋಡುವಕಾಲಕ್ ನೀನ್ |
ಅಂದ್‌ಟ್ಟಿಶಾಪಲೊತ್‌ತೋರ್ ದೇವ ||೧||

ಕಾರಿಯಕೆಲ್ಲಾಡಾದಿಯು ನೀನೆ |
ಅರಿಯತನೀಕೊಂದುಡಿಲ್ಲೆಲದೇವಾ ||
ನಾರಾಯಣ ಹರಿಮೋದಕ ನೀಕ್ |
ಶೂರಂದರಿಂಜಿತ್ ತಂದದರಿವು ||೨||

ಕರಕರೆಂದೆಣ್ಣುವ ದುಕ್ಕುಕ್‌ಬುದ್ಧಾ |
ವೊರಕತುಕೂಡಲೊಬೊತ್ತುವಿ ನಾನ್ ||
ಮರೆಯತೆಗೋಳೊನ ಕೇಪವುಡೆಲ್ಲಿ |
ಪರಶಿವ ಮೋಂಪನೆ ನೀನಲ್ಲತಾರ್ ||೩||

ಪೋಪಳಬಟ್ಟೆಲ್ ಬಾವಕ್‌ನಾಕೊ |
ಅಪ್ಪಣೆಬೋಂಡುಲ ಸ್ವಾಮಿಯೇನೋಡ ||
ತಪ್ಪೊಲೊಮಾಡತೆಡಿಪ್ಪಳ ಗೇನ |
ತೊಪ್ಪಳರದಾಸಂಗಂದು ನೀತಾರೊ ||೪||

ಕೊಡವ ಭಕ್ತಿ ಪಾಠ್

ವಿಘ್ನರಾಜ

ಆನೆಮಂಡೆ ವಿಘ್ನರಾಜ|
ನೀನ್‌ನಾಕ್‌ತಾಗುಣಪ||
ಬಾನಕ್‌ಚಣ್ಣರಂಗಂದ್|
ಪ್ರಾಣನೀಕೊಡ್‌ತೋರ್

||ಅಪ||

ಆರ್‌ತಿಂಗಅಜನಕೇಳ್|
ಪಾರಕೇಲ್‌ಬೆಚ್ಚೋರ್|
ಆರ್‌ನೂಡಣಡಣ್ಣನೀ|
ಶೂರವಿನಾಯಕ

||೧||

ತುಂಬಿಕಯಿಲುಳ್ಳನೀನ್|
ಕೊಂಬೊಂದುಳ್ಳದೇವನೆ||
ನಂಬ್‌ನರದಾಸಂಗ್|
ಇಂಬ್‌ತಾಗಣಪತಿ

||೨||

* * * * *

ಕೊಡವ ಭಕ್ತಿ ಪಾಠ್

ಸರಸ್ವತಿದೇವಿತಾಯಿ

ಸರಸ್ವತಿದೇವಿತಾಯಿ|

ಮರೆಯತೆನ್ನಕಾಪಾಡ್||ಪ||

ಅರಿಯತಾರೂಡಿಲ್ಲೆನ್ನಿನ್ನಾ|

ಸರಿಯೊನೀಕ್‌ದಾರುಳ್ಳ

||ಅ||ಪ||

ಕುಂಭಕರ್ಣರಾಕ್ಷಸನೊ|

ಕುಂಬಿಲ್ಲತೆಬೋಡ್ಡಕ್ಕ||

ಕೊಂಬುದುಳ್ಳನಾವುಸೇರಿ||

ದುಂಬೊರಕ್‌ಕೇಟಿಯಾ

||೧||

ಬುದ್ಧಿಕೆಲ್ಲಾಕದಿಯಾನ|

ವಿದ್ಯತಾನಪೆತ್ತವ್ವ||

ಉದ್ಯೋಗಕೂಮೂಲನೀನ್|

ಯೆದ್ದಾನಿಂದ್‌ಬೋಡುವಿ

||೨||

ನೊಂದಹರದಾಸಂಗ್‌ನೀ|

ಬೆಂದುಕೇಳ್‌ಡಾಯಿಕ್||

ನಂದಾನಗುಣಕ್‌ನೀನ್|

ಡೆಂದಯಚಾಕ್‌ದೇವಿಯೆ

||೩||

* * * * *

ಕೊಡವ ಭಕ್ತಿ ಪಾಠ್

ಕುಲದೇವಿ ಕಾವೇರಿ

ಕುಲದೇವಿ ಕಾವೇರಿ ಮಾತೆ ತುದಿಪಿನೊ
ಕಮಂಡಲ ವಾಸಿ ಜಗನ್ನಾತೆ,
ಕಾಲನೇರ ಬಂದ್ ತುಲಾ| ಸಂಕ್ರಮಣತಂದ್ ಅಲ್ಲಿ
ಕುಂಡಿಕೆಂಜಿ ಬುಳೂಬುಳೂಂದ್ ಒಕ್ಕುವಕ ಅಂದೇ ಎಲ್ಲಾ|
ಕಾಕುವಾ ಭಕ್ತ ಜನ ಗೋವಿಂದ ಗೋವಿಂದ ||ಕು||

ಕಾಶಿಯಿಂಜ ಗಂಗೆ ಬಂದ್| ನಿನ್ನ ಕಂಡ್ ತುದ್‌ಚಿ ನಿಂದ್
ಕಾಟಿತಪ್ಪ ವೇದ ಪುರಾಣ| ಭಕ್ತಂಗ್ ಅಂದ್ ಇಂದ್|
ಕಾಕುವಿನೋ ದೇವಿ ತುದ್‌ಚಿ ಕಾವೇರಿ ಕಾವೇರಿ||

ಕೈಲಿಂಜ ಕಮಂಡಲಂದ್| ನೆಲಕಂಡ್ ತೊರಂದ್ ನಿಂದ್
ಕೈ ಬುಟ್ಟಿ ಒಡೆಯನಂದ್| ಕನ್ನಿಕೆರ ಜೊತಲ್ ಕಂಡ್
ಕಡ ಸೇರಿ ಪೋಚಿ ಅಂದ್| ದೇವಿ ಕಾವೇರಿ||

ಚಿಕ್ಕೇರ ತ್ಯಾಗರಾಜ್ ಅಪ್ಪಯ್ಯ

* * * * *

ಕೊಡವ ಭಕ್ತಿ ಪಾಠ್

ಗಣಕೆಲ್ಲ ಅಧಿಪತಿ

ಗಣಪತಿ ಗುಣಪತಿ ಗಣಕೆಲ್ಲ ಅಧಿಪತಿ
ನೆನಪವಂಡ ಮನತ್ ಎಕ್ಕಾಲು ನೀವಾಸಿ||

ವಿದ್ಯೆ ಪಡಿಪವಂಗ್ ಬುದ್ಧಿ ಕೊಡ್‌ಪವನೇ|
ಸಿದ್ದಿ ವಿನಾಯಕ ದೇವಾ||
ಪಾರ್ವತಿ ದೇವಿರ ಮಡ್ ದುಂಬ ನೀನೇ
ಪರಶಿವಂಡ ಪೆರಿಯ ಮೋಂವನೇ ||ಗಣಪತಿ||

ಷಣ್ಮುಖಿ ಅಯ್ಯಪ್ಪಂಡ ಅಣ್ಣಯ್ಯ ನೀನೇ!
ಆದಿ ಪೂಜೆಕ್ ನೀ ವಂದ್ಯನೇ
ತುಂಬಿ ಕೈಯೋನ ಮೊರಪೋಲೆ ಕೆಮಿಯೋನ
ಮೊಟ್ಟೂರಿ ಬೋಡುವ ಮನೆ ಮನೆಲೇ!!

- ಶ್ರೀ ಪೂರ್ಣಾನಂದ ಸ್ವಾಮಿ

* * * * *

ಆದಿ ಕಾವೇರಿ ತಾಯಿಯೇ

ಆದಿ ಕಾವೇರಿ ತಾಯಿಯೇ ನಿನ್ನ ತುದಿಪೆನೊ ತುದಿಪಿನೋ
ನಾದ ಮೂರುತಿಯಾಯಿ ಪರ್ಂಜಂಡ್ ಪೋಪ ದೇವಿನ ತುದಿಪೆನೊ
ಗಂಗೆ ದೇವಿಡ ತಂಗೆಯಾಯಿತ್ ಪರಿವ ದೇವಿನ ತುದಿಪಿನೋ
ಜೂಂಗಿ ಬಂದಂತ ಪಾಪತೋಪಕ್ ದೇವಿ ದೇವಿನ ತುದಿಪೆನೋ||

ದೇವ ದೇವಂಗ ಬಂದ್ ಕುಳಚಿತ್ ಪಾಪ
ಕಳೆಯುವ ದೇವಿನಾ|
ಭಾವ ಪರಿಶುದ್ಧೀಲ್ ತುದ್ಚಿತ್ ತೀರ್ಥ
ಕುಡ್ಚಿತ್ ಬಾವನಾ||
ಪಾರ್ವತಿರ ಅವತಾರ ಜನಕ್ ಲೋಪಾಮುದ್ರೆರ ರೂಪತ್|
ದೇವ ಬ್ರಹ್ಮಂಡ ಚಾಕ್ ಮೋವಳ ತುದ್ಚಿ
ನಂಗ ಪಾಡನಾ || ಆ ||

ತಪ್ಪಾತ್ಲಿಂಜ ಕವೇರ ಪಡ್ಂದತ್ ಮೋವಳಾಯಿತ್ ಚಾಕ್ಚಿ
ಉಪಮೆ ಇಲ್ಲತ ಚಾಯಿಕರ್ತಿಕ್ ಕಾವೇರಿ ಪೆದ ಕಾಕ್ಚಿ||
ಉತ್ತರ ದೇಶತ್ ಬಾತ್ ಅಗಸ್ತ್ಯ ಕೊಡಗ್ಗಾರ್ ಸೀಮೆಕ್|
ಸತ್ಯ ಬ್ರಹ್ಮಗಿರೀಲ್ ನೋಟ್ಚಿ ಕನ್ನಿ ರೂಪತ್ ದೇವಿನ||
ನೋಟಿ ಮೆಚ್ಚ್ಚಿನ ಮುನಿಯು ಕೇಟತ್ ಮಂಗಲಾಪಿಯ ನೀ ನನ್ನ
ಕೇಟ ತಕ್ಕ್ಕ್ ತಕ್ಕ್ ಪರಿಯತೆ ಬುಟ್ಟ್ ಪೋಕತೆ ನೀ ನನ್ನ||
ಮಂಗಲಾಯಿತ್ ತಿಂಗ ಕಯ್ವಕ ಅಗಸ್ತ್ಯ ಪೊರಟತ್ ಕನ್ನಿಕೆಲ್
ಮಂಗಲತ ಕುಳಿ ಕುಳಿಪಕಾಯಿತ್ ಬುಟ್ಟ್ ಪೊರಟತ್ ಕಲಶತ್
ದೇವಿ ನೋಟ್ಚಿ ಕಲಶ ಪಾತ್ರಂಜಿ ಪೊರಮೆ ಬುದ್ಧತ್ ರಭಸತ್
ದೇವಿ ನದಿ ರೂಪಾನ ಕಥೆಯೇ ಲೋಕಕೆಲ್ಲಕೂ ಪಾವನಾ||

- ಶ್ರೀ ವಿ. ಯು. ರಾಮಕೃಷ್ಣ

ಕೊಡವ ಭಕ್ತಿ ವಾಟ್

ಸಂಕ್ರಮಣತಂದ್

ತಿಂಗ ತೊಲೆಯಾರ್ಡ ಸಂಕ್ರಮಣತಂದ್
ಕಾವೇರಿ ಕುಳಿಪದ್ ಬಹು ಪುಣ್ಯ ಅಂದ್
ದೇವಿಡ ದಯಗೊಂಡ್ ಪೋಪ ಮನತಂದ್
ಎಂಗಲ್ಲ ಸೇರಿತ್ ಪೋಚಿ ಕುಸಿಲಂದ್||

ಭಾಗಮಂಡ್ಲ ಕ್ಷೇತ್ರ ಕಂಡದಿನಂಗಂದ್
ಕಾವೇರಿ ಕನಿಕೆ ಸುಜ್ಯೋತಿಯೊಳ್ ಮೂಂದ್|
ಕೂಡ್ನ ತ್ರಿವೇಣಿ ಸಂಗಮತ್‌ಲಂದ್|
ದೇವಿಯಳ ಬೋಡಿತ್ ಕುಳ್‌ಚತೆಂಗಂದ್||

ಭಗಂಡ ಮಹಾಋಷಿಡ ತಪಬಲತ್ ಅಂದ್
ತ್ರಿಮೂರ್ತಿಯಲೊಲಿಂಜಿ ತಾ ಬಂದ್ ನಿಂದ್
ಬ್ರಹ್ಮ, ವಿಷ್ಣು, ಶಿವಂಡ ಗುಡಿಯುಂಡ್ ಮೂಂದ್
ಒಡತ್ ತೆಂಗನ ಪೂಜೆ ಮಾಡ್‌ಚೆಂಗಂದ್||

ಬ್ರಹ್ಮಗಿರಿಕುಂದ್‌ನ ಕಂಡದೆ ನಂಗಂದ್
ಕುಂದ್ ಕೊಡಿ ಪೋಪೆಂಗಿ ಮೈಲುಂಡ್ ಮೂಂದ್
ರಸ್ತೆ ಚಾಯೊಡೆ ಉಂಡ್ ಕುಂದ್ ಕೊಡಿಕ್ಕಿಂದ್
ಕುಂದ್ ಪತ್ತುವಾ ಚಾಯಿ ನೋಟಿಂಜಿಂಜತಂದ್||

ಕೊಡವ ಭಕ್ತಿ ವಾಣಿ

ಮೂಲ ಕಾವೇರಿಲೋ ಕುಳಿಪಕಲೋ ಅಂದ್|
ಸಾಲ್ ಬೆಚ್ಚೀಜನ ಪೋಪಯಿಂಜತಂದ್|
ಗೋವಿಂದಾಂದೆಣ್ಣುವಳ ಆ ಶಬ್ದ ಅಂದ್|
ಭೂಮಿದೇವಿಯೋ ಕೇಟ್ ತಾಮೆಚ್ಚಿತಂದ್ || ಭಾಗಮಂಡ್||

ಕೋವೆ ಮೊಟ್ವೊನ ಓಡಿ ಪತ್ತೆಚೆಂಗಂದ್
ಲೆಕ್ಕ ಮಾಡ್ಚಿ ಅದ್ನ ಉಂಡರುವತ್ತೊಂದ್|
ಅಲ್ಲಿಂಜಿ ಕೊಳಕುಂಡ್ ಫರ್ಲಾಂಗ್ ಮೂಂದ್|
ಅಲ್ಲಿಕೆ ಕಾಂಬಳ ದೇವಗುಡಿ ನೇಂದ್||

ಎಲ್ಲಾರು ತೊಪ್ಪಳ ಉಂಡ್ ಕಲ್ಲೊಂದ್|
ಪಂಡಲ್ಲಿ ಪಡೆಬೊತ್ತಿ ನಿಂದ ಜಾಗಂದ್|
ಅಲ್ಲಿಂಜತ್ ನೋಟುವಕ್ ಆಲ್ಮರ ಒಂದ್
ನೇಂದ್ ಬೊಳಂದ್ಲೆ ಅದ್ ಇಂಜತಡಿ ಮೂಂದ್||

ಕಂಡೆ ನಾ ತೀರ್ಥ ಬಂದ ಆನಂದ
ನೀರ್ಗುಳ್ಳೆ ತಾಮಲ್ಂಜಿ ಉಕ್ಕುವಾನಂದ
ಕುಂಡಿಕೆ ಕೊಳಸುತ್ತ ಪಟ್ಟಿಮರೊ ನಿಂದ್
ಎಣ್ಣುವಳ ಮಂತ್ರ ಜಪ ಭಕ್ತಿಲವು ಅಂದ್ ||ಭಾ ||

ಕೊಡವ ಭಕ್ತಿ ವಾಣಿ

ಕೊಳತ್ ತೀರ್ಥ ಉಕ್ಕಿ ತಾಮಲಾಂಜಿ ಬಂದ್
ಚೊಂಬ್ ತೀರ್ಥವೋ ಕೋತಿ ಚೆಲ್ಲವಳ ನಿಂದ್
ಎಚ್ಚಕೋ ತೀರ್ಥವೋ ಕೋತಿನೋ ಅಂದ್ |
ತೀರ್ಥವೂ ಬತ್ತತೇ ಉಕ್ಕುವಳ ಬಂದ್ |

ಭಕ್ತಿಲ್ ಕೊಳಕ್‌ಳಾಂಜಿ ಕುಳಾಚತೆಂಗಂದ್
ಸಂಕಲ್ಪ ಎಣ್ಣೆತ್ ತೆಂಗೆ ಒಡತಂದ್
ಕುಂಕುಮಾರ್ಚನೆ ಪೂಜೆ ಮಾಡುವದ್ ಅಂದ್
ಆ ಪೂಜೆ ದಂಪತಿಕ್ ಫಲವುಂಡ್ ಅಂದ್ ||

ತೀರ್ಥವೋ ತಂದಂತ ನಂಬಿಡಿಕೆ ಅಂದ್
ಬೊಳ್ಳಿರ ಉರುಪಿಯ ಕೊಡಾತೆಂಗ ಒಂದ್
ತೀರ್ಥವೋ ಎಡಾತಂಡ್ ತಾಮನೆಕ್ ಬಂದ್
ದೇವಿನಾ ಮರೆಯತೆ ಬೋಡಿ ಮನತಂದ್ || ಭಾಗಮಂಡ್ ||

-ಹರದಾಸ ಮುಕ್ಕಾಟಿರ ಎಸ್. ಪೂವಯ್ಯ

* * * * *

ಕೂಡಾ ಭಕ್ತಿ ಪಾಠ್

ಏಳು ಕಾವೇರಿ ಲೋಪಾಮುದ್ರೆಯೆ

ಏಳು ಕಾವೇರಿ ಲೋಪಾಮುದ್ರೆಯೆ ಏಳು
ವೇದ ಬ್ರಹ್ಮಂಡ ಮಾನಸ ಪುತ್ರಿ ಏಳು
ಕವೇರ ಮುನಿರ ದತ್ತ ಮೋವಳೆ ಏಳು
ಅಗಸ್ತ್ಯಂಡ ಪೂಣ್ಣ ನೀ ಭೌಳಿಲ್ ಪಾಡುವಿ ಕೇಳು||

ಕೇಕ್ ದಿಕ್ಕಲ್ ಚೋಂದ್ ಅರುಣ ಬಂದಿತ್ ಏಳು
ಬ್ರಹ್ಮಗಿರಿಕುಂದ್ ಮೋಳ್ ಪೊನ್ನ ರಂಗ್ ಪಾಂಜಿತ್
ಚೆಂಬುಕ್ಕ ಮರತಳತ್ ಸುಸ್ವರತ್ ಕೂವ
ಕೋಗಿಲೆ ಕುಹೂಂದ್ ನಬಿಲ್ ಪಿಹೂಂದ್ ಪಾಡ್ಯಂಡುಂಡ್||

ಕ್ರೋಡ ದೇಶತ್‌ರವ್ವ| ಕುರಣೆರ ಕಡ ನೀನ್
ಮುನಿ ಕಮಂಡಲ್‌ಂಜಿ ಒಕ್ಕಿ ಕನಿಕೆ ಸುಜ್ಯೋತಿನ ಕೂಡಿ|
ಲೋಕ ಕಲ್ಯಾಣಕ್ ಪೊಳೆಯಾಯಿ ಒಕ್ಕನ ನೀಡ
ಶ್ರೀ ಪಾದಕ್ ನಾ ಮೊಟ್ಟೂರಿ ಬೂವಿ||

ಭಕ್ತ ಜನರಲ್ಲ ತ್ರಿವೇಣಿ ಸಂಗಮ ಕುಳಚಿ|
ನೀಡ ದರುಶನಕ್ ಆತುರತ್ ಬಂತ್|
ಲಲಿತಾಂಬಿಕೆರ ಶ್ರೀವಿದ್ಯ ಸುಧೆ ಉಂಡ ಮಹಿಮೆ ಉಳ್ಳವ ನೀನ್

ಮರುಗ ಮಲ್ಲಿಗೆ ಜಾಜಿ ಜೊಪ್ಪೆ ಮಲ್ಲಿಗೆ ಮಾಲೆ
ಒಪ್ಪೊಚಿಡುವಿ ಶ್ರೀ ಕನ್ನಿ ಕಾವೇರಿ||

- ಕಳ್ಳೇಂಗಡ ಸುಧಾಪ್ರಸಾದ್

* * * * *

ಕೊಡವ ಭಕ್ತಿ ಪಾಠ್

ಶಿವನಾಮ ಪಾಠನ

ಶಿವನಾಮ ಪಾಠನ| ಶಿವರಕ್ಷೆ ಬೋಡನ
ಶಿವದೀಕ್ಷೆ ಎಡ್ಕನ| ಶಿವ ಕಾಪಾಡ್|
ಮಾತೆ ಪಾರ್ವತಿಕ್| ಮಾಲೆ ಇಟ್ಟಿಂವ ನೀನೆ |
ಮಾದೇವಿರೊಡೆಯಂದ್| ಪೆದಪೋನ ಶಿವನೇ||

ಢಂ ಢಂ ಢಂ ಢಂ | ಢಮರುಗ ನಾದ
ಕೈಲಾಸ ಪುರಿಲ್ ತಾಳ ಮದ್ದಳೆಯೊ
ತುಂಬುರುನಾರದ ಕೂಡ್ನ ಸಭೆಲ್
ತಾಂಡವ ನರ್ತನ ನಡ್ಂದತ್ ಅಂದ್||೨ || ಶಿವ||

ಅಗ್ನಿನ ಎಡ್ತೆ ಕೈಲ್ ಎಡ್ತೆ ಶಿವನೇ
ಆ ಢಮರುಗ ನಾದ ಬಲೆತೆ ಕೈಲ್ ಮಾಡ್ಯ|
ಧಿಮಿತ್ಯೆತ್ಯೆ ಧಿಮಿತ್ಯೆತ್ಯೆ ನಟನಾ ಮಾಡಿ|
ಆ ಅಡಿಲೋಕ ಕೊಡಿಲೋಕ ಅಡಿಮೇಲ್ಮಾಡ್ಯ ||೩||

ಮೊಣ್ಣಂಡ ಶೋಭಾ ಸುಬ್ಬಯ್ಯ

* * * * *

ರೋಡ್ನ ಭಕ್ತಿ ಪಾಠ್

ದೇವಿ ಅಂಬಿಕೆಯೇ ಕಾಪಾಡ್

ದೇವಿ ಅಂಬಿಕೆಯೇ ಕಾಪಾಡ್ ಶ್ರೀ ಗೌರಿ
ಮನದುಂಬಿ ಬೋಡಿಯವಿ ದಯಕಾಟ್ ತಾಯೇ

ತಪಸ್ಲಾ ಶಿವನ ಗೆದ್ದವ ನೀನೇ
ಶಿವಂಡ ಕೊದಿರಾಣಿ ದಾಕ್ಷಾಯಣಿ ನೀನೇ
ಮಹಿಷ ಮರ್ದಿನಿ ಚಾಮುಂಡಿ ನೀನೇ
ಶಂಕರಿಯೇ ಶಿವೇ ಶ್ರೀ ಕಾಳಿದುರ್ಗಿ ||ದೇವಿ||

ಶಿವಂಡ ಜಡೆಲಳಾತ ಗಂಗೆಕಕ್ಕನೂ ನೀನೇ
ಮಂಚಿಕುಂದ್ ನಿವಾಸಿ ಈಶ್ವರಿ ನೀನೇ
ನೆತ್ತಿಕಣ್ಣಂಗ್ ಒತ್ತ ಪತಿವ್ರತೆಯು ನೀನೇ
ಚಂದ್ರಮೌಳಿನ ಪಡಂದ ಮಂದಾಕಿನಿ ನೀನೇ

ಮೂಲೋಕ ಸಂಚಾರಿ ಭೂಲೋಕ ಉದ್ಧಾರಿ
ಕಂಚಿ ಕ್ಷಾಮಾಕ್ಷಿ ಮಧುರೆ ಮೀನಾಕ್ಷಿ
ಮೂಕಾಂಬಿಕೆ ದೇವಿ ಕಾಶಿ ನಿವಾಸಿ
ವಿಶಾಲಾಕ್ಷಿ ರುದ್ರಾಣಿ ಅಂಬಿಕೆ ನೀನೇ || ದೇವಿ ||

- ಬೆಂಜಾಂಡ ತಂಗಚ್ಚಿ ಕಾರ್ಯಪ್ಪ

* * * * *

ಕೂಡವ ಭಕ್ತಿ ವಾಟ್

ನಿಂದ್ ತುದಿಪೆನೊ ನಿನ್ನಾ

ನಿಂದ್ ತುದಿಪೆನೊ ನಿನ್ನಾ ಶ್ರೀ ಇಗ್ಗುತಪ್ಪನೇ
ಕುಡುಮಲೆರೊಡೆಯನೇ ಪೊನ್ನಿಗ್ಗುತ್ತಪ್ಪನೇ
ತಡಿಯಂಡಮೋಳೆಕೊಂದಾಯಿ ನಿಂದಿಯಾ
ಕೊಡಗಾರ ಉದ್ಧಾರಕ್ ಕೈ ತೆಕ್ಕಿ ಬಂದಿಯಾ||

ಕುಂದ್ ಪತ್ತಿ ಬಂದ ನೀಡೆದಿಕೆ ನಿಂದ
ಕುಂಬಾಟ್ವ ಬೋಡ್ಕಂಡ್ ಕೈ ತೊತ್ತ ನಿಂದ
ಕುಂದ್ ರಾಜನೆ ನೀ ಪತಿತೋದ್ಧಾರನೇ
ನಿಂದೋರ್ ಪಾಪಿನ ಕಾಪಾಡ್ ಈಶನೇ ||ನಿಂದ್||

ಪಣ್ಣಾ ಪೂ ನೀಕ್ ಪರಕೆ ಪಟ್ಟಣಿ ನೀಕ್
ತೆಗೆ ಬೆಲ್ಲ ಅಕ್ಕಿಲ್ ತುಲಾಭಾರ ನೀಕ್
ಕಣ್ಣಾ ತೊರಂದಿತೊಮ್ಮ ನಂಗಳೆಲ್ಲ ನೋಟ್
ಅಭಯ ಹಸ್ತ ನೀಡ ನಂಕೆಲ್ಲ ಕಾಟ್ ||ನಿಂದ್||

ಬೆಂಜಾಂಜ ತಂಗಚ್ಚಿ ಕಾರ್ಯಪ್ಪ

* * * * *

ಕೊಡವ ಭಕ್ತಿ ಪಾಠ್

ತೀರ್ಥ ಮೂಲ ಸ್ವರೂಪಿಣ್ಯೇ

ತೀರ್ಥ ಮೂಲ ಸ್ವರೂಪಿಣ್ಯೇ ಬ್ರಹ್ಮಗಿರಿ ನಿವಾಸಿನೀಂ
ಸರ್ವಲೋಕ ಹಿತೇ ಮಾತಾ ಲೋಪಾಮುದ್ರಾಂಸ್ಮರಾಮ್ಯಹಂ||

ಶ್ರೀ ಆದಿಕಾವೇರಿ ಪೊಮ್ಮಾಲೆ ಕೊಡವ ಸಿರಿ|
ಭಕ್ತ ಹೃದಯ ಸುರಸುಂದರಿಯೇ ಕರುಣಾಮಯಿ ತಾಯೇ||

ಪಾಪನಾಶಿನಿ ನೀನ್ ಅದ್ವೈತ ಲಹರಿ ನೀನ್
ತೀರ್ಥರೂಪಿಣಿ ನೀನ್| ಮೋಕ್ಷ ಪ್ರದಾಯಿನಿ
ಭಕ್ತ ಜನಕ್ ನೀನ್ ಭವರೋಗ ಪರಿಹಾರಿಣಿ
ಕಷ್ಟತುಳ್ಳಯಿಂಗಕ್ ಕೇಟಾನ ಕೊಡ್‌ಪವ ನೀ ||ಶ್ರೀ||

ಗಂಗೆಯಮುನೆ ಸಿಂಧು ನರ್ಮದೆ ಸರಸ್ವತಿ
ಗೋದಾವರಿ ನೀಡ ಕೂಟ್‌ಕರ್ತಿಯಳೋ
ಕೊಡಗ್‌ರ ಜನಕ್ ನೀನ್ ಕುಲದೇವಿ ಮಾತೇ|
ಕರುಣಾ ಮೂರ್ತಿಯೇ| ಕಾವೇರಿ ತಾಯೇ ||ಶ್ರೀ||

- ನಾಗೇಶ ಕಾಲ್‌ೂರ್

* * * * *

ಹೊಡನ ಭಕ್ತಿ ಪಾಠ್

ಪಾಂಡುರಂಗ ಕೃಷ್ಣನ ತುದಿಕನ

ಕೃಷ್ಣಾ.... ಮುರಾರಿ.... ಮುಕುಂದ... ಕೇಶವಾ
ಪಾಂಡುರಂಗ ವಿಠಲಾ

ಪಾಂಡುರಂಗ ಕೃಷ್ಣನ ತುದಿಕನ ಬಾರಿರೋ
ಮುಕುಂದ ಮುರಹರಿ ಕೇಶವನ ಪಾಡಿರೋ
ವಸುದೇವಂಡಾ ಮೋಂವ ವಾಸುದೇವನ
ಅಚ್ಚುತ ಮಾಧವ ಪಾಂಗೊಳ ಪ್ರಿಯನಾ||

ಪಾಂಡವ ಪ್ರಿಯನಾ ಗೋಕುಲ ಬಾಲನಾ
ತಂಗೆ ದ್ರೌಪದಿರ ಮಾನ ಕಾತವನಾ
ದುಷ್ಟ ಕೌರವಂಗಡ ಕುಲನಾಶಮಾಡ್ನ
ಭಕ್ತ ಪಾಂಡವಂಗಕ್ ಮುಕ್ತಿ ಕೊಡ್ತವನಾ || ಪಾಂ ||

ಕಂಸನ ಕೊಂದವೊ ಬಲಿನೇ ಪೂತಂವೊ
ಬೊಣ್ಣೆ ಕಳ್ಳ ಕೃಷ್ಣನೋ ಗೋಪೀ ಲೋಲನಾ|
ಪೂತನಿ ಮರ್ದನಾ ನೀಲ ಶ್ಯಾಮನಾ
ಭಕ್ತ ಪ್ರಹ್ಲಾದನ ಕಾತ ನರಸಿಂಹನಾ ||ಪಾಂ||

ಅವ್ಯಂಗ್ ಬಯಿಲ್ ಜಗತ್ತನೇ ಕಾಟ್ನ
ರುಕ್ಮಿಣಿ ಲೋಲನ ಭಾಮಾ ಪ್ರಿಯನಾ
ಭಗವಂತಡಾ ಪಾಟ್ ಜಗಕೇ ನೋಡ್ನ
ಪಾರ್ಥಂಡ ಸಾರಥಿ ಮಾಯಾವತಾರಿನಾ || ಪಾಂ ||

- ಬೆಂಜಾಂಡ ತಂಗಚ್ಚಿ ಕಾರ್ಯಪ್ಪ

* * * * *

ನಾನೆಂದೂ ದೀನನಲ್ಲಾ

ನಾನೆಂದೂ ದೀನನಲ್ಲಾ| ನಾನೆಂದೂ ಹೀನನಲ್ಲಾ

ಜ್ಞಾನಿ ಶ್ರೀ ಪರಮಾತ್ಮ ನೀನಿಂಜ ಪಿಂಞ||

ಪುಟ್ಟಿಚಿಟ್ಟವ್ವಪ್ಪ ಕಷ್ಟ ಕಾಪಂವ ನೀನೆ|

ಬುಟ್ಟಿತ್ತಿರತ ಮಿತ್ರ ಮಹಾ ಸ್ವಾಮಿ ನೀನೇ||

ಕೆಟ್ಟ ಬುದ್ಧಿಯೋ ತರತೆ| ಇಷ್ಟ ತೇಪೇ ದೇವ|

ಸೃಷ್ಟಿ ಚಾಕುವ ಸ್ವಾಮಿ ನೀನಿಂಜ ಪಿಂಞ || ನಾ ||

ವಿದ್ಯೆ ಎಣ್ಣಾವ ನೀನೇ| ಬುದ್ಧಿ ತಪ್ಪಂವ ನೀನೇ

ತಿದ್ದಿ ಚಾಕುವ ಯನ್ನ| ಮಹಾಸ್ವಾಮಿ ನೀನೇ|

ಸಿದ್ಧ ಸದ್ಗುರು ದೇವ| ಸದ್ಗುಣವೋ ನೀತಂದ್||

ಉದ್ಧಾರ ಮಾಡ್‌ವಂವ| ನೀನಿಂಜ ಪಿಂಞ || ನಾ ||

- ಹರಿದಾಸ ಮಕ್ಕಾಟರ ಎಸ್. ಪೂವಯ್ಯ

* * * * *

ಮಂಗಳತಾರೋ

ಮಂಗಳತಾರೋನೀಮಹೇಶ| ಬಾಂಗಿತಬೋಡುವಿಯೀಶ ||ಅ||ಪ||

ಆಟ್‌ಕಾರಬೋಜಕಾರ| ತೂಟ್‌ಂಗಳವಾಸಕಾರ||

ಕೇಟದ್ ಕೊಡ್‌ಪೊರ್‌ಶಂಕರ||೧||

ಚೊಕ್ಕನಯಿನಡುಕುವಳ| ಚಿಕ್ಕನಯಿನತೆಕ್ಕುವಳ||

ಮಕ್ಕಳಿಬ್ಬರುಳ್ಳಮಹಕಾಲ ||೨||

ಅಪ್ಪಚ್ಚರದಾಸನೆಂದು| ತೊಪ್ಪಳಬೂತೇಷಂಗೆಂದು||


ತಪ್ಪತೆಬೋಡುವಿನಿಂದ್ ||೩||

* * * * *

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ

ಮಡಿಕೇರಿ

ಶ್ರೀ ಅಡ್ಡಂಡ ಸಿ. ಕಾರ್ಯಪ್ಪ	ಅಧ್ಯಕ್ಷ
ಪ್ರೊ. ಇಟ್ಟೀರ ಕೆ. ಬಿದ್ದಪ್ಪ	ಸದಸ್ಯ
ಶ್ರೀಮತಿ ಚೇಂದಿರ ನಿರ್ಮಲಾ ಬೋಪಣ್ಣ	ಸದಸ್ಯೆ
ಶ್ರೀ ಮಾಳೇಟಿರ ಅಭಿಮನ್ಯುಕುಮಾರ್	ಸದಸ್ಯ
ಶ್ರೀ ಬೊಟ್ಟೋಳಂಡ ಮಿಟ್ಟು ಪೂಣಚ್ಚ	ಸದಸ್ಯ
ಶ್ರೀ ಚರ್ಮಡ ಪೂವಯ್ಯ (ಅಪ್ಪುಣು)	ಸದಸ್ಯ
ಶ್ರೀ ಕುಡಿಯರ ತಮ್ಮಯ್ಯ	ಸದಸ್ಯ
ಶ್ರೀಮತಿ ಬಡಕಡಮ್ಮಂಡ ಕಸ್ತೂರಿ ಗೋವಿಂದಮ್ಮಯ್ಯ	ಸದಸ್ಯೆ
ಶ್ರೀಮತಿ ಚೇಂದಂಡ ಸುಮಿ ಸುಬ್ಬಯ್ಯ	ಸದಸ್ಯೆ
ಶ್ರೀ ಮೇಲತಂಡ ಎ. ರಮೇಶ್	ಸದಸ್ಯ
ಶ್ರೀಮತಿ ನೆರೆಯಂಡಮ್ಮಂಡ ಉಮಾ ಪ್ರಭು	ಸದಸ್ಯೆ
ಶ್ರೀ ನಾಪಂಡ ರವಿ ಕಾಳಪ್ಪ	ಸಹ ಸದಸ್ಯ
ಶ್ರೀ ಮೋಟನಾಳಿರ ಸನ್ನಿ ಕಾರ್ಯಪ್ಪ	ಸಹ ಸದಸ್ಯ
ಶ್ರೀ ಮಂಡೇಪಂಡ ಬೋಸು ಮೋಣ್ಣಪ್ಪ	ಸಹ ಸದಸ್ಯ
ಶ್ರೀಮತಿ ಎನ್. ಶಾಂತಮ್ಮ	ರಿಜಿಸ್ಟ್ರಾರ್
ಶ್ರೀಮತಿ ಹೆಚ್.ವಿ. ಇಂದ್ರಮ್ಮ	ಅರ್ಥ ಸದಸ್ಯೆ



ಹರನೊ ಮೆಚ್ಚನ ಭಸ್ಮ ಸ್ನಾನ! ತೀರ್ಥ ಮಂತ್ರ ಸ್ನಾನಂದಾ!
ಪರಬ್ರಹ್ಮ ಜ್ಞಾನ ಸ್ನಾನಂದಾ! ಹರಿಡ ಪಾದಾ ಸ್ನಾನಂದಾ!
ಮರೆಯತೆ ಈ ಅಂಜಿ ಸ್ನಾನ! ಅರಿಂಜಿ ಭಕ್ತಂಗ ಕುಳಿಕಂಡು !!

- ಹರದಾಸ ಅಪ್ಪಚ್ಚಕವಿ

ಆಸೆ ನಿರಾಸೆರ ಇರಾಟ್ ಇಲ್ಲ ತಲ್ಲಿ, ಕಷ್ಟ ದುಃಖಿತಾರ ಒಳೆಗುದಿ
ಇಲ್ಲ ತಲ್ಲಿ, ಕುಟ್ಮಪೆಟ್ಟಾರ ಅಗ್ಗಿ ಪರೀಕ್ಷೆ ಇಲ್ಲ ತಲ್ಲಿ; ಭಗವಂತಂಡ
ಆಶೀರ್ವಾದ ಎಣ್ಣು ವ ಅಮರ ಬೊಪ್ಪು ಕಾಂಬಾಲೆ.

- ಸಾಕ್ರೆಟಿಸ್

